

甘宁青史略

甘寧青史略卷十三

宋理宗

癸丑寶祐元年

蒙古於

河州置吐蕃宣慰司都元帥府

吐蕃國於

西域從此附屬於蒙古

川布即今西藏雅魯藏布河減吐谷渾據青海之地勢最盛始通漢十國
 太宗以文成公主遺嫁其王贊普與之媾和雖稍息烽火於一時然吐蕃
 弱屢寇邊疆史稱唐室衰於吐蕃蓋以此也景雲元年睿宗苦吐蕃之寇
 城公主尙於贊普建中四年唐德宗再割今陝西以西地與之會盟於清
 後吐蕃國勢借唐俱衰種族無分立然其殘部猶散處西甯河州洮岷等
 元世祖以前已討駙馬章古為甯遠郡王鎮西甯至憲宗三年又於河州
 都元帥府於四川徽外置魚通今四川省打箭爐黎今四川省清溪縣雅
 府及河西亦今四川省打箭爐甯今四川省甯遠府等處之官撫司世祖至
 元一千二百六十九年復置烏斯藏今前藏地官撫司都縣
 其地封喇嘛高僧發思巴為大寶法王尊為帝師使領其地
 案西藏者唐宋曰吐蕃元曰西蕃明曰烏斯藏種族為唐古特又曰詞伯
 部一曰衛二曰喀木三曰藏四曰阿里又書史會要發思巴者吐蕃發斯迦
 表七歲能誦經典收萬言深通大義元世祖
 師之及即位即使之襲蒙古字頒布天下
 慕壽祺曰元太祖崛起漠北執歐亞之牛耳俄剛入主中夏吸中土之文
 之民族一躍而登世界上之舞臺進化之速有非人所及料者而憲宗時
 代以文字不同

蒙古沙漢薩騎縱橫時代

宋理宗

蘭州俊華印書館出版

為進化大障礙思維學術可以造未來之時勢乃尊發思巴為帝師令製造蒙古新字頒布海內斯為有學術之國家矣嗚呼可不謂盛哉

冬十一月蒙古忽必資由臨洮進征大理滅之遂入吐蕃

忽必資以烏特哩哈達總諸軍事分三道進自

臨洮經行山谷二千餘里至金沙江乘羊裘及楫以濟摩莎蠻主迎降進薄天理城大破其兵虜其王段智興分兵取附都鄯弄烏蠻等部進入吐蕃其酋蘇岡圖懼而出降兵威

所加鮮不款附忽必資遂班師留烏特哩哈達攻諸夷之未降者

案洮州衛明洪武十二年西平侯沐英創建東至岷州西灣壕六十里南至生番界三十里西全邊牆番界九十里北至臨洮府界景山城一百四十里永樂初設都指揮天順間設守備嘉靖間易守備為參將萬歷間易參將為副總兵清毅掌印衛守備副總兵各一員後裁衛改為洮州廳設同知控制諸番屏藩臨鞏誠西南之要地也蒙古兵由此取道自洮岷而松潘以達雲南松潘廳即古龍洞與洮州連界

慕壽祺曰雲南古蠻瘴之鄉山川悠阻僻在西南無與中原形勢也然吾觀

西南用兵之形勢足以出奇制勝者莫過於雲南蓋雲南之險不在雲南而

在西蜀不在蜀之東南而在蜀之西北天下有事以大理為根本由麗江而

此由雲南進入

民國七年天水之戰作客身在水行間備知艱辛故舊曰端國家軍長葉恭綽取水與他本之問

北過金沙上洮岷據秦隴以西南而忽據西北上游之勢天下視聽必且一新
新民國七年秋廣東國民政府規畫大西北主義命靖國第八軍軍長葉荃
率所部由雲南出發中經川陝直抵天水北政府聞之方以爲亞夫之兵從
天降也蒙古憲宗由臨洮進征大理滅之遂入吐蕃振威西藏兼有青海洵
善用兵者哉

丁巳五年

蒙古主憲宗七年

秋八月回鶻貢於蒙古

回鶻獻水晶盆珍珠傘等物可值銀三萬餘錠蒙古主曰方今百姓疲弊所急者錢爾朕

獨有此何爲却之賽音譯德齊以爲言蒙古主稍賞其值且禁其勿復有所獻

戊午六年

蒙古主憲宗八年

冬十月蒙古主至白水江命秦鞏總帥汪德臣造浮橋以待

汪世顯次子也年十八待元太子遊獵矢無虛發嗣鞏昌便宜都總帥軍出忠浩所向克獲太祖聞其名召見所陳悉嘉納賜名田哥至是憲宗欲取蜀命德臣造浮橋以待大軍

庚申景定元年夏

蒙古世祖皇帝呼必烈中統元年

夏四月蒙古以廉希憲爲陝西四川宣撫使商

挺副之蒙古阿里克布克稱帝於和林

阿里克布克聞呼必賚已立命阿拉克岱爾發兵於漠北諸部分遣心腹易置將佐

徵金帛數十卒又命劉太平等懷拘收關中鐵穀時渾塔噶自先朝將兵屯六盤太平等陰相結納渾塔噶復分遣人約成都密喇卜和草青居奇塔特布哈同舉事阿里克布

遂自立於和林

案元史當憲宗崩於合州城下時呼必賚將兵渡淮宗王穆格自合州遣人以憲宗凶計來告請北還以繫人望呼必賚欲成功而還乃渡江圍鄂州會聞阿拉克岱爾等謀立阿

里克布克郝經請與宋議和率經騎直造燕都呼必賚從之引兵北行諸王哈丹等會於開平轄魯自西域勦進惟阿里克布克不至廉希憲等力言宜早定大計呼必賚遂即位

建元中統阿里克布克聞呼必賚已立遂稱帝於和林阿拉克岱爾及六盤守將渾塔噶舉兵應和林廉希憲等擊敗斬之二年冬世祖擊阿里克布克於錫默圖敗走之五年阿

里克布克與諸王玉隴哈什等自歸於上都世祖以諸王皆太祖之裔并釋不問惟布拉噶伏誅

案世祖以中統紀元謂統一中國也當是時元之疆城占領亞洲大部及歐洲東北部份立空前絕後之蒙古大帝國其領土之廣與現在俄國相伯仲而地方之富庶則遠過之

與現在英國相伯仲而氣脈之聯絡形勢之團聚則遠過之

五月蒙古劉太平果拉哈謀為亂廉希憲捕誅之

太平果拉哈時駐六盤聞宣撫使廉希憲將至此五月一日乘傳急

源都海時駐六

凡胡鑑營西北
此一字內皆得
於耶律堯材
於希憲人之
焉也天意蓋
顯矣

入京兆謀為變素人前被阿勒達爾太平等威虎聞其來皆破膽越二日希憲亦至宣示
詔旨遣人馳往六盤宣諭安撫未幾城門候引一急使至云來自六盤希憲詢之盡得太
平果拉哈與渾塔噶等要結狀希憲集僚佐謂曰主
上命我輩正為今日遂分遣人掩捕太平果拉哈等

案元史哈刺不花者征蜀時名將也渾都海嘗為之副時駐六盤山以兵總阿里不哥商
按謂廉希憲曰渾都海既叛若悉銳而東直擄京兆上策也聚兵六盤觀變而動中策也
重裝北歸以應和鉢下策也希憲曰彼將何從挺曰必出下策已而果然於是與希憲定
議令入春汪良臣發兵糧之事具希憲傳六盤之兵既北而阿蘇答兒自和林引兵南來

與哈刺不花渾都海過於甘州哈刺不花以語不合引其兵北去阿蘇答兒遂與
渾都海合軍而南時諸王合丹率騎兵與入春汪良臣兵合乃分為三道以拒之

蒙古以廉希憲為中書右丞行秦蜀省事

希憲字善甫布魯海畏吾人世祖初分漢
地為十道并京兆四川為一以希憲為宣

撫使希憲宣詔旨安諭六盤捕太平亂黨渾都海反命汪惟良將秦鞏諸軍進六盤惟良
辭未得旨希憲即解所佩虎符銀印授之又發蜀卒令入春將之會有詔赦至希憲命絞
太平等於獄方出迎詔人心遂安帝深善之別賜金虎符使節制諸軍時獲渾都海黨五
十餘人希憲悉寬釋使隸入春其衆大喜咸願效力遂得精騎數千詔以希憲為中書右
丞行秦蜀省事渾都海西渡河趨甘州阿蘇答兒復自和林提兵來合諸將戰不利河西
大震蒙古上欲棄兩川退守興元希憲力言不可會親王合丹及汪惟良入春等合兵復
戰於西涼大敗之勦俘略虜叛首俱伏誅事聞
蒙古主大喜曰希憲真男子進拜平章政事

甘州饑

三年又饑七月蒙古主以銀一十五百錠濟甘州貧民十年六月賑甘州諸驛

蒙古主遣索托延郭守敏行視西夏河渠俾具圖來上

黃河為甯夏利自古已然由漢唐以迄宋末渠多淤

塞蓋自西夏用兵不暇計及蒙古滅西夏遣郭守敏等先後開濬更立驛場治渠之法駸備矣

慕壽祺曰河自積石山入河州匯浩靈渙水洪流奔注壓闌靖而下崖岸陡削水勢湍駛至中衛之西四十里始落平川地名沙頭於此開美利渠為中衛渠之最大者河由中衛順流而下至青銅峽水勢為之一束峽口則有秦渠漢渠唐渠大清渠支分節取灌溉之利溥焉近年人心不古民力亦惰渠多淤塞之患民鮮疏濬之功以各渠溉田之數計之今日漸就減少不力為整飭農利將日至荒落矣

六月乙卯蒙古主徙甘州涼州寄居回回於江南各衛

時西陲有警不得已為徙戎之策被徙者戶四百三

十六口一千四百七十九

案正統三年八月有歸附回回二百二人自涼州徙至浙江其種類遂蕃江浙矣明初於回族之來降者待之雖優而防之未嘗不至福建漳州衛指揮僉事楊榮因進表至京為回回之編置漳州者寄書於其同類奉旨坐以交通外夷黜其後文教涵濡甘涼河湟之回有登科第建功勳而為監司大員者矣

又案清同治九年攻克金積堡賊巢光緒二十一年勦平河狄兩處回匪當時辦理善後事宜或謂甘肅四面漢弱回強帶固根深處處棋布河州部落尤衆大東鄉一帶花門生計維艱口惟以掠盜爲資凌奪爲業與其用兵於後何如防禍於前今渠料已殲而餘黨實繁請照元初成例徙甘肅回部之強悍者居江南財賦區上紓九重西顧之憂庶爲一勞永逸之計大吏以爲迂闊矧今國基鞏固回漢一家彼獻策徙戎者其亦可以不必矣

慕壽祺曰甘涼寄屠之回寥寥無幾攝於蒙古兵威納款歸誠其無野心可知矣在彼之意進希朝廷哀矜保其宗教退望庇身有道護其妻兒遂乃高車才狼所言未可盡信而離鄉去井人所難堪元世祖徙河回族居彼澤國何示人以不廣也蓋回族團體堅固徙者其身不移者其心誰秉國鈞而多此一舉耶

秋八月蒙古諸王哈丹及巴崇汪良臣山丹州元帥按公遜大破阿拉克岱爾

渾塔噶於甘州東
蒙古世祖初立阿里克布克亦稱帝於和林糾其黨阿拉克岱爾及六盤守將渾塔噶爲變渾塔噶聞京兆有備西渡河趨甘州阿

拉克岱爾自和林帥兵適至遂與渾塔噶合兵而南時諸王哈丹亦帥騎兵與巴崇汪良臣兵合分三道以拒之既陣大風吹沙良臣令軍士下馬以短兵突其左繞出陣後潰其

右而出巴崇直搗其前哈丹勒精騎邀歸路大戰於甘州東殺渾塔噶阿拉克岱爾關隴悉平

案元史按竺適引兵出權碑谷會諸王戰於甘州城東權碑谷俗名東樂大口子山徑四達北逾居延西連灰谷觀音山口其地址在故東樂縣城北十里龍頭山下進口七十餘

里全合黎山交蒙古界有界墩晉三門關明鐵門關皆在焉又北有居延城路伏波所守也

忽都叛據臨洮蒙古主命火魯都等以蒙古漢軍從大軍征討之

蒙古主師次臨洮遣玉律朮王君侯王鑑諭大理不果行

冬十一月蒙古張文謙以中書左丞行省西夏中興等路董文用為行省郎中

以河渠副使郭守敬從

中興白蓮塔之亂民間相勸鑿山谷文用為書置通術論之長乃安羌俗素鄙野事無統紀文謙得蜀事陷於俘

元初河州路脫
悉麻路西夏中
澤帶及涼昌中
亦感漢唐陽四
府並隸陝西行
中書省及陝西
道肅政廉
訪司

擄者五六人理而出之使督吏事旬月間簿書有品式子弟亦知讀書俗為一變先是古渠在中興者一名唐來其長四十里一名漢延長二百五十里他州正渠十皆長二百里支渠大小六十八灌田九萬餘頃兵亂以來廢壞淤淺守敬更立臨壩皆復其舊遂中興西涼甘肅瓜沙等州之土為水用民之歸者四五萬悉授田文用造舟黃河中受諸部落及潰叛之來降者

案遼史宋嘉祐六年即西夏稱輝都五年西夏靈夏二州大水著黃河環繞靈州其古渠五一秦家渠一漢伯渠一艾山渠一七級渠一特進渠與夏州漢源唐梁兩渠毗接餘支渠數十相與蓄泄河水又有賀蘭長樂鐸落諸山為之隄障向無水患是時七級夏泛溢靈夏間廬舍居民漂沒甚衆雖天災非人力所能防而隄障工程不固一遇霖雨山水暴

漲沖口斷決沙石壅淤元郭守敬董文用修復唐來漢延各渠更立
隋唐今唐漢二壩是也舊制以薪木明僉事汪文輝易以石工益固

又案史記河渠書自武帝築官房後朔方西河河西皆引河以溉田又匈奴傳云驃騎封
狼居胥山漢渡河自朔方以西至令居往往通渠置田官吏率此甯夏河渠所由昉也西

羌傳又云虞詡奏復朔方河西上郡使謁者郭璠激河浚渠爲屯田則開漢渠者虞詡郭
璠矣唐渠不見開鑿由始唐書李聽爲靈州大都督長史於境內復故光祿磨渠以溉田

甯夏在唐時爲懷遠縣隸靈州凡唐書所言靈州皆兼甯夏五原有光祿塞漢光祿勳徐
自爲所築渠名光祿意亦自爲所開然則今之唐渠或亦漢舊渠而復浚於唐耳又考甯

夏府志漢渠一名漢延渠其口開自甯夏縣陳後堡二道河經府城東而北至甯夏縣王
澄堡歸入西河長一百九十五里八分大小陡口共四百七十一淺灌甯夏甯朔二縣田

五千六百九十分康熙四十年河西道鞠宸咨修康熙五十一年同知王全臣重修各暗
洞并鑿以石唐渠一名唐來渠其口開自甯朔縣大壩堡青銅峽經甯夏城西而北至平

羅縣上寶關堡歸入西河長三百二十里七分一十三丈大小陡口共四百四十六淺灌
甯夏甯朔平羅三縣田五千七百六十二分清雍正九年重修此渠之最大者也堪與漢

唐二渠并稱者其惟惠農渠乎他如靈州之秦渠金積縣之
漢家渠中衛之美利渠利則溥矣而流域皆不及漢唐二渠

慕壽祺曰余幼隨先大夫之甯靈廳者即今之金積縣也嘗往來甯夏於漢唐二渠源委
徇知大略漢延大支渠凡十三處曰水磨渠曰大北渠曰菓子渠曰瀉潭渠曰南泉渠曰

北泉渠曰大營後渠曰畢家渠曰各陡渠曰小營後渠曰大高渠曰南毛渠曰北毛渠唐
來大支渠共二十處曰大新渠曰紅花渠曰良田渠曰滿達刺渠曰白塔渠曰新濟渠曰

大羅渠曰小羅渠曰菓子渠曰和集渠曰柳新渠曰黑沿渠曰亦小的新渠曰柳郎渠曰曹李渠曰楊沿渠曰他他渠曰掠米渠曰羅哥渠曰高榮渠皆天地自然之利每歲清明日疏濬民修而官督之故無地不渠無歲不秋古稱甯夏為塞北江南其信然乎頃以兵戈擾攘沙石壅淤豈不可惜哉

辛酉二年 蒙古中 夏六月丙辰蒙古主以汪良臣同簽鞏昌路便宜都總帥凡軍

民官並聽良臣節制

案鞏昌府志汪良臣亦世顯次子未弱冠即隨德臣出征每戰當先任裨帥兼便宜都府參議尋拜鞏昌總領屯田白水蜀兵不復鈔略元主親政屬良臣洪億事集而民不擾令權便宜總帥府事元世祖即位阿藍答兒渾都海叛良臣討平之西鄙輯甯賜金符權便宜都總帥火里叛復討平之入覲元主稱其功良臣遜謝復嘉其讓賜甲冑轉同簽鞏昌便宜都總帥復以功授征南都元帥攻重慶破之受東川副統軍昭勇大將軍鞏昌便宜都總帥兼總管

蒙古主立甘肅路總管府始開水田

蓋文用葦城人為西夏中興等路行省甯夏唐來漢延等渠拓拔氏據夏已有之矣宋末水利廢池

益以兵爭有渠與無渠同至是文用始督開之

秋七月蒙古主賞鞏昌路總帥汪惟正將校斬渾都海功銀二千五百兩馬價

銀四千九百兩 先是中統元年秋九月阿魯答兒率兵至西涼府與渾都海軍合詔諸王合丹合必赤與總帥汪良臣等率師討之丙戌大敗其軍於姑蘇斯

阿魯答兒渾都海西土 悉平至是始行賞之

察鞏昌府志汪惟正字公理世顯孫也幼穎悟藏書二萬卷喜從文士論議古今治亂尤喜談兵時出獵則勒從騎為攻守狀元世祖立授襲父爵渾都海叛乞台不花應之惟正

即命力士縛殺乞台不花元主嘉其功令東川軍事悉聽處分部長火都叛惟正以為劉大方肆狂醫不可驟戰發兵踵之賊欲戰不得休則撓之若是者兩月知其糧盡因與戰

屢捷而潛兵擒殺火都

九月癸未蒙古主遣員往撫甘肅等處 蒙古主以甘肅等處為戍兵所擾遣河沙佛 民務農安業者

銀符二金符十給中書省量軍 國事情役急付乘驛者佩之

案史理宗名昫太祖十世孫德昭後立為太子在位四十年改元八日寶慶曰紹定曰端 午曰嘉熙曰淳祐曰寶祐曰開慶曰景定景定五年冬十月帝崩太子禛即位為度宗

度宗乙丑咸淳元年 蒙古至元二年 蒙古以中書右丞張文謙行省西夏中興等路功詔獎

之

元之食軍浴金
舊制也

是年元世祖入
都於燕以劉秉
忠為太保參領
中書省事姚廣
幹衛摩希憲商
繼宋子貞等相
繼入關

元志甘肅行省
元志甘肅行省
元志甘肅行省
元志甘肅行省

秋八月蒙古陝西五路新僉軍免發民戶
先是蒙古太宗七年僉陝西五路入匠充軍每二十人出軍一名至是陝西五路行

省言新僉軍七千人若發民戶恐致擾亂今鞏昌已有舊軍三千諸路軍二千餘二千人亦不必發民戶當以便宜起補從之

案金太祖即位始命以三百戶為謀克謀克十為猛安與萬戶千戶制略同外有漢軍大定時所置有事則僉取於民無事或以放免鎮防軍諸軍取以更代在西北邊則有分番屯戍軍及夫屯軍驛軍之別邊鎮軍守河南陝西邊界者諸路節軍章宗所置

戊辰四年 蒙古至 秋七月丙子蒙古立西夏惠民局

蒙古主改甘肅路為甘州路
始析肅州自為路

己巳五年 蒙古至 蒙古巴延巴爾達罕秃忽魯叛於西夏命葉公道率軍討平之

蒙古主以阿只吉大王行山丹城事
初即王分地也刪訛作山後因之

庚午六年 蒙古至 夏五月甲辰威州五鳳川蕃族八千戶內附蒙古
蒙古命其酋長來朝授官命賜金符

案宋鄭文寶城古威州議曰威州在清遠軍西北八十里樂山之西唐大中時靈武朱叔明收長樂州外甯張君緒收六關即其地也故壘未圯水甘土沃有良木薪桔之利約胡

濟高宗贊哈爾
與曰中十四人
性多英勇實其
然乎

阿干鎮在皋蘭
縣西南四十里
屬漢族

蘆臨洮二河壓明沙蕭關兩戍東控五原北
固峽口足以襟帶西涼咽喉靈武城之便

蒙古諸王拜答寒部曲饑就食甘州 九月括戶口定田稅

六月壬戌蒙古主簽諸道回回軍 蒙古征伐戎狄恆以回隊為前鋒以其性多英勇也且有團結力

冬十一月己巳蒙古主給河西行省鈔萬錠以充歲費

蒙古併阿干縣 宋元豐六年置阿干堡於蘭州金世宗大定二十二年升阿干堡為縣屬蘭州至是併入州

蒙古河西諸郡諸王頓舍僧民協力供給

壬八年 元至元九年咸淳七年十一月蒙古已改國號曰元 冬十月丙戌朔元封皇子忙哥刺為安西王賜

京兆為分地駐兵六盤山 後安西王出鎮秦蜀守將王土魯據六盤叛蒙古主聞之命別速帶領兵進討以汪世顯之孫惟正副之至六盤土

魯先據西山惟正分安西兵為左右翼而鞏兵居中去土魯里許皆下馬手弓勒射土魯突陣百騎中者三之一上魯軍遂却惟正逐之擒叛將燕只哥復進兵上魯亦就擒安西

王至燕
勞之

蒙古改國號曰元
然從此以後宋
元祚元為正統
矣

案蒙古世祖中統元年六月李壇使淮安七月遣翰林侍讀學士修好於宋宋拘留之三年九月諭將士舉兵攻宋詔曰前遣使於宋以通和好宋人不務遠圖反啓邊釁諸大臣皆以南征為請重以兩國生靈之故猶待信使南歸庶成和議望而不至者今又半載曲直之分灼然可見今議和等分道並進以為問罪之舉至元五年九月阿珠劉整圍襄陽六年正月遣史天澤益兵圍襄陽三月圍樊遂城鹿門七年城萬山八年五月詔東道兵圍襄陽各道宜進兵牽制十一月建國號曰元取易經乾卦大哉乾元之意

癸酉九年 元至元 夏四月辛丑蒙古主罷四川行省以鞏昌總帥汪良臣為東西

川統軍使 時良臣為鞏昌二十四處便宜總帥復以功授征南都元帥攻重慶破之授東西川副統軍昭勇大將軍

蒙古主以皇子安西王分治秦蜀遂置開城府 以開遠堡置

案開城廢縣在今固原縣西南四十里宋咸平元年置開遠堡後為縣元至元十年升為府仍視上都號為上路至治三年降為州治開城縣明初廢州為縣成化三年縣省入州 嘉善祺曰元以前固原之沿革已不可考矣說者謂漢之廉縣即今固原然其地在甯夏縣北漢屬北地郡不知開城之近而易徵也夫蒙古初立開城府皇子與安西王藉以分治秦蜀其關係為何如耶明初不知關係之重要冒然廢之至有滿四之變後以套虜大猖固原始為重鎮而開城遺址尚有存焉者矣

甲戌十年 元至元 冬十月庚申蒙古長河西千戶必刺冲剽掠甲仗集衆為亂火

你赤討之時火你赤移戌末還副元帥覃澄率屬吏赴之帝曰澄不必獨往趣益兵三千付火你赤合力討之

案史度宗名謙榮王子理宗姪在位十年改元一曰咸淳咸淳十一年秋七月帝崩案以度宗長子當立實似道立嘉國公景即位是為恭宗謝太后臨朝稱制蓋帝羸年僅四歲

恭宗乙亥德祐元年元至元十二年三月乙亥蒙古主諭樞密院比遣建都都元帥火你

赤征長河西以副都元帥覃澄鎮守建都付以圖書安集其民

夏四月壬寅朔蒙古主賞討長河西必刺充有功者及陣亡者金銀鈔幣帛各

有差

秋九月蒙古主賜西平王奧魯赤所部雞城戍兵人馬三匹近時悍匪犯邊有一人而帶馬三四者

蒙古主遣兵征吐蕃元主敕安西王忙兀刺諸王只必帖木兒駙馬長吉分遣所部蒙古軍從西平王奧魯赤征吐蕃復以萬執中唐永堅阿失罕等銳兵千

人從征

乙亥二年元至元十三年春正月戊子蒙古中書省臣言王孝忠等以罪命往八荅山採寶

元通諸王帥兵
征西藏此亦論
敵何謂也

玉自効 道經沙州值火忽叛孝忠等自拔來歸命於瓜沙等處屯田從之

丙子至元十三年 宋益王昱景炎元年是年三月元兵入臨安宋統已絕依前夏商例一歲兩係三月以前為宋帝景祐元年三月以後為元世祖至元十三年

夏五月元封宋主昱為瀛國公 後為僧於甘州佛寺

秋七月元敕山丹城直隸省部 以達魯花赤行省仍歸總管府領之以袁裕為甘州等路官撫副使

案史恭宗名景度宗子在位二年改元一曰德祐德祐二年三月元巴延入臨安以帝及皇太后全氏福王與芮等北去帝至上都封瀛國公宋滅而元始有天下是年夏五月宋人聞恭宗北去共立益王昱於福州改元景炎以景炎三年四月卒宋人立其弟昀

九月乙丑元以忽必來別送台為都元帥將蒙古軍二千人河西軍一千人戍

幹端城

丁丑十四年 宋益王景炎二年 元徙行省於甘州 前以甘州總管府隸中興行省今徙行省於甘州故曰始移鎮也

案甘肅在唐虞三代為雍州西偏而神聖經營之迹見於傳紀者班班可考神農顓頊堯舜之紀皆云德被流沙史記黃帝披山通道至於空同今平涼酒泉皆有此山夏后平治

遼得花亦詳官
率印官也詳見
首卷之二官制
特殊一段後

元又甘肅行
中書省河東
北道以統甘
水馬州沙州
除然乃夏府
六路山丹百
二州

及漢志書諸
以漢已死故
後名且者立
制於國之之
為尤軍所滅
仍

水土爰作禹貢如西傾朱圉之在臨鞏合黎黑水之在張掖三危流沙之在敦煌岷山積石之在洮河原隰豬野之在邠甯武威至於西戎則叙昆崙析支厥貢織皮則經略西陲如此其重也漢置涼州刺史唐分隴右河西二道皆在今甘肅全境明制統於陝西布政司猶古之雍州今分爲甘省猶漢唐分置涼州河隴之意

戊寅十五年 宋益王昶景炎二年五月 春元六盤兵再亂趙炳復討平之 炳字彥明息州藥成人以

戰功屢遷至京兆路總管至元十四年加鎮國上將軍時安西王札王冬居京兆夏避暑六盤淺以爲常會王北伐六盤守兵搆亂炳自京兆率兵討平之至是六盤兵再亂復討

平之十六年王楚入朝帝勞之曰關中事重勞卿因詢民瘼炳具以對

案六盤已注於前惟考之於史猶有可紀唐建六盤關地屬原州爲木峽制勝等七關之一以衝要稱宋紹聖二年蒙古主鐵木真殂於六盤寶祐六年蒙古主蒙哥侵宋軍於六

盤元安西王就其遺建清暑樓明徐達屢敗敵兵於此曲折險峻善形勝也

夏六月置甘州和羅提舉司 以備給軍餉賑貧民

己卯十六年 宋衛王昺祥興二年 夏五月癸卯以臨洮鞏昌通安等四十驛歲饑命

選官撫治之 時徭役繁重有質賣子女以供役者

秋九月詔河西未僉軍之官及富強戶有物力者僉軍六百人此六百人發及民戶擾亂不堪矣

給河西行省鈔萬錠以備支用

先是大祖八年耶律焚切言行交鈔以萬錠為額中統元年秋始行交鈔法

案史宋帝昺度宗少子立於崗州改元祥興甫一年卒於崖州宋於是乎亡自高宗丁未南渡都杭至帝昺已卯一百五十二年合之北宋共三百二十年宋史於帝昺崖山之後即書宋亡乃考廣志帝昺張世傑已死故將蘇劉幾復求趙後名且者立之都於順德縣之鄆甯山言都此而得甯久也山在縣東北三十里高千餘丈久之仍為元軍所滅

庚辰十七年春三月遣使覈河源由貴德州入塞黃河發源崐崙潛行地下至星宿海復出星宿海在阿水厄瑪勒占水邊

山之南即青海境內之大積石山也帝遣招討使窮河源至此歸約行半月至河州西之貴德州又四五日至積石州還報並圖其城

案貴德今屬西甯黃河經其城北約一里許是為入中國之始元翰林侍讀學士潘昂霄記曰河至貴德州地名必赤里始有州官隸河州又云世言河九折彼地有二自乞馬兒

及貴德州必赤里乞馬兒今在塞外

案黃河上流由于闐東流入於鹽澤其入澤之處即為今之塔里木河由是潛流地中後現於大積石其上流之水源在今青海南之星宿海禹道河積石始由塞外流入內地俗儒不知黃河重源之說故傳說頗多誤謬元初又有朱思本者有黃河源流之研究見元史地理志篇末由是西域水系始大明於世

附錄潘昂霄河源記河源在吐蕃朵干思西鄙有泉白餘泓或潦水沮洳渙散方可七八十里且泥弱不勝人跡近觀弗克傍立高山下視燦若列星以故名火墩腦兒譯言星宿海也羣流奔湍近五七里匯二巨澤名阿刺腦兒自西徂東連屬吞曠廣輪馬行一日程迤邐東驚成川號赤賓河二三日程水西南來名亦里出合赤賓三四日程水南來名忽爾又水東南來名也里尤合流入赤賓其流經大始名黃河然水清人可涉又一二日歧裂八九股名也孫翰論譯言九渡通廣六七里馬亦可渡又四五日程水渾濁土人抱革囊乘馬過之民聚部落糾集木幹象角傅毛革以濟僅容兩人繼是兩山歧東廣可一里二里或半里深莫測矣朵干思東北鄙有大雪山名亦耳麻不其刺其山最高譯言騰乞里塔即崑崙也山腹至頂皆雪冬夏不消土人言遠年成冰六月見之自入九股水至崑崙行二十八日程河行崑崙南半日岸既又四九日程至地名闕即及闕提二地相屬又三日地名哈刺別里赤兒四達之衝也多寇盜有官兵鎮防崑崙迤西人簡少多處山南山皆不穹峻水亦散漫獸有犂牛野馬狼豹獐羊之類其東山益高地亦漸下岸峽隘有孤可以躍而越之處行五六日程有水西南名納鄰哈刺譯言細黃河也又兩日程水南來名乞兒馬出二水合流入河河北行轉西至崑崙北二日程地水過之北流少東又北流入河半月程至貴德州地名必赤里始有州治官府州隸河州置司吐蕃等處官慰司所轄又四五日程至積石州即禹貢積石云

陝西運使郭琮等殺安西王相趙炳詔逮琮等誅之

初安西王既薨召炳入見因言運使郭琮郎中郭叔雲不

法帝怒遣使借炳往案其罪至則琮等矯世子阿難答旨收炳及妻子囚之空同山炳子仁榮訴詔即遣使馳往脫炳且械琮黨偕來琮留使而先遣人毒炳於獄中帝聞之大怒

宗至親鞠之伏辜命仁榮手刃宗及叔雲於市籍其家俾之仁榮曰
不其載天之人所有何忍受之帝稱善別錫鈔二萬緡為治喪具

冬十月以漢軍屯田甘州發破卒千人入甘州備戰守給甘肅行省惠民藥局

鈔一百錠今甘肅省城貧民醫院已設於外縣

案清制各州縣向設符藥一人診病惠民惟偏僻縣分地與夷鄰信巫棄醫雖有惠民藥局而來診者究屬寥寥乾隆初劉射洪黃泳知成縣事以成俗信巫致醫學幾同虛設泳素精岐黃術乃於川川漢中購藥材十數擔如法炮製存縣署民以病症告則酌方給藥以治每每痊可信巫之俗一變

辛巳十八年夏四月賜征日本河西軍等鈔

五月遣使賑瓜沙州飢乙酉又禁瓜沙州為酒

以中書右丞博羅歡行省甘肅博羅歡十大功臣畏兀兒之後也至是以中書右丞行省甘肅知勇忠義出於性成累官上柱國封秦安王在

甘威惠人著邊人安之

詔四川宣慰司都元帥劉恩留屯甘州恩率蒙古漢軍萬人征幹端師次甘州詔留屯田得粟二萬餘石六月又以太原新附軍

作者新修續原
蘇志列人民疾
病種列於專治
俾人民悉知豫
防之法而平時
購藥材研究
醫學其在良有
司哉

屯田
甘肅

禁西邊回回越境為商

先是宋宣和中因回紇入貢留陝西諸州
貿易不歸廷議立法禁止至是復禁之

案松漢紀聞云回鶻自唐末浸微本朝盛時有人居秦川為熟戶者女真破

陝悉徙之燕山甘涼瓜沙舊皆有族帳後悉羈縻於西夏唯居四郡外地者

頗自為國有君長其人卷髮深目眉修而濃白眼睫而下多虬髯土多瑟瑟

珠玉帛有兜羅綿毛氈絨錦注絲紫綾斜褐藥有胆膈臍礪砂香有乳香安

息篤耨善造寶鐵刀劍烏金銀器多為商賈於燕載以橐它適夏地夏人率

十而指一必得其最上品者賈人苦之後以物美惡雜貯毛連中

毛連以羊
毛輯之單

其中所頭為袋以毛繩或線封之有
甚粗者有間以雜色毛者則輕細

然所征亦不費其來浸熟始厚賂稅史密識

其中下品者俾指之尤能別珍寶蕃漢為市者非其人為僧則不能售價是

回回之越境爲商冒險圖利蓋自前代已習慣成自然矣非自元初始

壬午十九年夏四月詔給甘州行省鋪馬聖旨五道鋪馬聖旨繪馬四數目印以省印是年冬十月增給五道二十年十

一月復增十道

案元史勅燕京至濟南置海青驛凡八所又勅臨洮鞏昌通安等十驛非有海青符者不許乘傳蓋海東青鳥名也取此以寓奮迅之義有要事則用之所經之驛亦此海青名也

慕壽祺曰元明兩代各設官清初亦有之光緒末甘肅續修通志歷代官

制內獨缺驛官文獻通考縣令佐下但詳鎮戍關市官之沿革而不及驛官

近閱唐新鄉縣臨清驛唐書地理志衛州新鄉縣東北有故臨清關長孫氏石像碑文自衛州別駕

李溫縣令章胤縣尉盧節叙起而後及驛長孫璧爲其祖母恆豐楊成年八

十有四道彌隨像一區可見唐代官制驛長在縣尉下可以此碑及孫樵書

褒城驛壁文補之

也里可溫
即景教羅馬
有妻室者
同民納稅
世祖
本紀

多十月敕河西僧道也里可溫即景教羅馬有妻室者同民納稅世祖本紀

案中國宋理宗時約西歷一千二百餘年歐洲之人為回教徒所標法蘭西

德意志諸侯王等再興十字軍與之相攻其時元太祖親征俄羅斯保勞尼

翁伽里諸國耶穌教徒謀聯蒙古以壓回教勢力當西曆一二四五年羅馬

教皇英諾森四世元世學作伊諾森特第四以上東洋史決議派遣教士東行所遣教士分二派

多米尼派所遣為安色倫姆西門亞伯里克亞力山大四教士被蒙古大將

貝住阻回佛朗斯派所遣為勃萊奴喀皮尼一作伯朗嘉賓參預定宗之即位大典

得答書以上教皇其辭傲慢強橫更越三年而法蘭西王路易九世復親赴

東方經營十字軍與蒙古通使二次第一次所派隆俱梅耳約翰喀葛桑以

一二四九年抵和林適定宗薨皇后稱制僅得強橫簡短覆書二次所派

為教士魯卜里克氏

一作羅卜魯

著有奉使記

元史

世祖即位遣使西謁教皇請

派人來中國傳教

東洋史

一二八九年羅馬教皇尼古拉司派意大利人孟德

高維奴

東洋史作蒙迭哥爾維諾

赴中國請建禮拜寺時為世祖至元二十六年世祖許

之遂建加持力舊教之禮拜寺四所於北京未幾四方來受洗者達六千人

學希臘羅馬語者達百五十人其勢益振羅馬教皇克里門第五任為東方

大主教更遣僧侶七人輔助之孟得高維奴來時北京已有聶思脫里派之

禮拜寺十二所又有意大利之法朗西斯派教士為遠東總主教繼之者乃

法朗西人伯萊可尼色於一三零七年為北京主教有山西畏吾人名曰瑪

谷司者為波斯之第五十八代主教此為中國人主教之始然其時雖有景

教羅馬二派其傳教者統名曰也里可溫

癸未 二十一年遣漢都魯迷失帥甘州新附軍往幹端 是歲又簽河西質子軍年及丁者充軍

移鞏昌按察司治甘州 是年改鞏昌按察司為隴右河西道提刑按察司二十四年省以其事併入甘州

案廉訪官名元置肅政廉訪司以巡察各路時甘肅行省在甘州故徙之明改為提刑按察使司故稱按察使為廉訪亦曰臬台一省之司法高級長官也清因明制今甘肅高等

清判廳即舊按察使司署

乙酉 二十二年二月立甘肅宣慰司兼都轉運司領課程事 盧世榮請立規措所又請於真定濟南太原甘

肅江淮等處立宣慰司兼都轉運司以治課程仍嚴立條例禁諸司不得阻撓檢察從之是年冬十一月監察御史陳天祥上疏言世榮始為江西權茶轉運使屢犯贓竊動數萬計今竟不悛狂悖尤甚雖居承轄實專大政恣行苛刻大肆誅殺欲以一歲之期致十年之積考其行事不副所言始言能令鈔法如舊鈔今愈虛始言能令白物自賤物今愈貴始言不取於民能令課程增三百萬錠今乃迫脅諸路官司虛增其數凡若所為動為民擾脫不早有更張須其自敗正猶蠶雖就除木病深矣疏聞詔丞用以下雜問其罪復召天祥與世榮俱至上都親鞫之一款服遂命誅之封其肉以食鷹獮世榮初以言利進太子意深非之曰財非天降安能錢取贏子桑哥素主世榮者聞太子言不敢啟

冬十二月發賜諸王羊馬價及官戶散居河西者羊馬價鈔 帝賜諸王阿只吉合兒魯忙兀帶來忽兒

新修甘肅通志
 沿革圖表關鼎
 新縣即漢西海
 郡改鼎新原為
 郡改鼎新原為
 毛目分縣開該
 而形父老如小
 毛然故云戶不
 滿子數縣猶不
 足遠官郡乎通
 志所引豈別有
 所見耶

阿沙合丹別合刺等及官戶散處河西者羊馬價
 鈔三萬七千七百五十七錠布四千匹絹二千匹

丙戌二十三年春二月立甘州行中書省
自十四年立甘肅行中書省二十二年罷以
 甘州為宣慰司隸甯夏行中書省至是復立

甘州行中書省二十四年罷甯夏行中書省以中興府隸甘州行省尋復置甯夏行
 中書省成宗元年九月復罷以其事併入甘州十年稱增置甘肅行省蓋增其員也

案元太宗立十路官課司選儒術用之後稍做金制置行省及元帥等官世祖中統元年
 詔定官制總政務曰中書省外則有行省行臺宣慰廉訪具牧民則有路府州縣長則蒙
 古人為之兩人貳焉明洪武九年夏六月河南陝西湖廣江浙諸行中書省俱改為承宣
 布政使司罷行省平章政事等官置左右參政使各一員後設左右政使各一員後又增
 置左右
 參議

立亦集乃路總管府

亦集乃路在張掖東
 北一千五百三十里

案元之亦集乃路即漢時匈奴所之居延海也建安末立為西海郡新唐志張掖河西出
 合黎山破口旁河東盤屈由東北行千里有甯寇軍軍東北有居延海元志有亦集乃路
 在甘州北一千五百里城東北有大澤西北俱接砂磧乃漢西海郡居延故城夏國書立
 威福軍太祖二十一年內附至元二十三年立總管府明洪武初馮勝拔肅州進至掃林
 山亦集乃
 路即此

自古帝王之子
孫天命已去宗
社已離所不
遷克人跡強
至之區而強
尾隨有濟而
功者矣蓋國
以趙氏嫡系
元之得保降
之德得保降
之德得保降

魏晉有都督軍事後周以來改都督為總管督軍之官也唐初尚然宋金則為守郡之官
元緒路總管府之制凡十萬戶左右及高衙妻者則皆置之以別於散府每總管府置達
魯花赤及總管
各一人以治之

戊子二十五年春正月僧格以甘肅行省特穆格無心任事又不與協力奏以雅

岱代之未幾又以江西行省平章呼圖特穆爾不職奏罷之兵部尚書呼圖達爾不勤其職僧格黜罷之而後奏帝曰若此等不罪汝事何由得行也

秋九月甘州旱饑通賦凡四四百石

冬十月遣瀛國公趙鼎學佛於吐蕃時鼎年十八途中奉詔居甘州馬蹄寺為僧全居亦為尼先是宋德祐二年春三月元將巴延入臨

安宋少主趙鼎降時方六歲巴延以帝暴及皇太后全氏太后謝氏等北去宋亡時元帝
至元之十二年也夏五月宋主熾至上都見元帝於大安殿降封瀛國公尚公主居燕凡

家賞在杭越者有司葺至燕京付之十九年冬十二月遷瀛國公及宋宗室於上都二十
一年冬十一月宋謝太后卒於燕二十五年春二月毀宋故宮為佛寺夏四月江南盜起

凡四百餘處至是遣瀛國公學佛吐蕃世稱為合尊大師全太后從二十八年冬十二月
宣政院言宋全太后瀛國公母子已為僧尼有田三百六十頃乞如例免徵其租從之

慕壽祺曰梁武帝講經同泰寺為欲所敵明太祖寄食皇覺寺為貧所驅瀛國公出家馬
蹄寺為環境所逼皆非真學佛者也讀吳梅村濟涼山讚佛詩而知開國之天子有遁入

空門者矣况偷息
臨安之故主哉

遣使鈎考甘肅安西錢穀耗失之數

從僧格之言也至元二十八年二月罷徵理司

十二月丙子耶速不花以昔列門叛甘肅行省官約諸王霸八拜答罕駙馬昌

吉合兵討之

叛皆自縛請罪獨昔列門以其屬西走追至宋郎不帶之地邀而獲之以歸於京師

己丑二十六年春二月甲戌命鞏昌便宜都總帥汪惟和將所部軍萬人北征

夏六月己酉聽鞏昌汪惟和用兵器

惟和奏言近括漢人兵器臣管內已禁絕自今臣凡用兵器乞取之安西官庫帝曰汝家不與

他漢人比弓矢不汝禁也任汝執之

冬十二月甲午以官軍萬戶汪惟能為征西都元帥

將所部軍入漠其先戍漠兵無令還實

詔天下梵寺所貯藏經集僧看誦

仍給所費俾為歲例此甘肅青海番寺刺麻衣軍糧之濡觴也

案甘肅現在各寺院藏經之多首推拉卜楞寺中刺麻對於經典首重講解次重儀軌而大乘經典除般若十萬頌八千頌大涅槃經常為人誦外餘如華嚴保積法華楞嚴等部

並不常誦茲就五扎倉所習日課列表如下可知
甘珠丹珠之外此種日誦課本流通尤多也

般若心經

救度佛母讚

白傘蓋佛母經

怖畏金剛二臂念誦儀軌

彌勒菩薩現莊嚴論

月輪論師入中論

德光淨師戒經疏

法稱論師因論明

天親菩薩俱舍論

以上為五部講經

梯浪桑哇扎倉課誦

五明中內明歸此扎倉研究

結多扎倉課誦

喜金剛念誦儀軌
大輪金剛念誦儀軌
虛空瑜珈念誦儀軌

結多扎倉亦習歷算但係漢地歷法非刺麻歷

滿巴扎倉課誦

藥師琉璃如來念誦儀軌
不動佛念誦儀軌
馬頭明王念誦儀軌

自古入主顯土大興時代

元貴星

蘭州俊華印書館出版

五明中醫藥明歸此札倉研究

居巴扎倉課誦

上樂金剛念誦儀軌
密聚金剛念誦儀軌
怖畏金剛念誦儀軌

丁科扎倉課誦

時輪金剛念誦儀軌
毗盧遮那耶身成佛念誦儀軌
遍照佛念誦儀軌

五明中聲明歷算歸此札倉研究

世言大藏經五千四百八卷此
自唐開元間總結經律論之目
至貞元間又增新經二百餘卷
宋至道以後惟淨所譯新經又
九千五百餘卷予見南宋藏經
與元藏經亦不同明之藏經又
添入元僧以後諸人文字而卷
數仍舊豈亦有添減歟

是歲置崇福司掌領馬兒哈昔

即敘利亞語所謂耶穌

列班即基也里可溫十字寺祭享等

事至延祐二年改崇福司為院與宣政院集賢院並特
并天下也里可溫掌教司七十二所悉以其事歸之

案延祐二年諭各省興舉水利糧儲蠲除徭役聖旨內也里可溫每與和尚先生答失
蠻並列既係通諭則甘州肅州沙州西甯永昌河州甯夏脫思麻亦集乃兀刺海等路必

有此項聖旨亦必有也里
可溫特摺案不足徵耳

此見元史百官

今安西縣故晉昌郡地元時為瓜州

辛卯二十八年徙安西故晉昌郡居民於肅州宋瓜沙二州後為西夏所屬夏亡州廢元至元十四年復置瓜州屬沙州路至是徙居民於肅

州但名存而已

案安西州志安西晉屬晉昌郡周武帝省入涼興郡隋開皇四年改為常樂縣唐置瓜州屬河西道吐蕃傳開元十五年攻陷瓜州毀其城俄而張守珪為刺史修築之大歷十一年陷於吐蕃大中五年張義潮以瓜州來歸宋屬西夏夏亡州廢元至元十四年復立屬沙州路二十八年徙居民於肅州但名存而已明永樂二年建赤斤蒙古千戶所在嘉峪西二百四十里又唐詩人王維送元二使安西高適送李侍御赴安西岑參武威暮春聞宇文判官西使還已到晉昌則是安西晉昌唐時已通用矣

二月癸酉以隴西四川總攝年扎克真珠納斯為諸路釋教都總統

三月以甘肅行省右丞崔彧為中書右丞彧由同簽樞密院事出為甘肅右丞時政不便者皆奏罷之尋召還

是歲以甘肅曠土賜回回昔寶赤合散等俾耕種之甘肅今甘州肅即今酒泉

壬辰二一九年秋九月癸酉徙瓜沙二州民置甘州是時西南夷內侮瓜沙不靖詔徙甘州於甘肅兩界盡地使耕無力

者則給以牛種農器甯夏戶口頗而土田半藝紅花詔盡種穀麥以資民食

前夏所種紅真
與西廠所產是
兩種用途亦不

甘肅甯夏隨地皆有而青海所來之藏紅花作婦科門藥品價甚昂

案羣芳譜紅花一名紅藍一名黃藍葉似藍有刺可染真紅及作胭脂

癸巳三十年春二月辛亥詔發總帥汪惟和所部軍三千征吐蕃

又發四川陝西兵
萬人以行樞密官

明安答兒統
之征西蕃

夏六月敕選河西質子軍精銳者八百給以鎧仗鞍勒狐貉衣裘遣赴皇孫阿

難答所出征

冬十月癸未朔以侍衛親軍千戶張邦瑞為萬戶佩虎符將六盤山軍千人及

皇子西平王等軍共為萬人西征

案元史世祖至元二年置三都以為開平府為上都闕庭所在每四月草青則駕幸避暑以
燕京為中都分立省部以大興府為下都每八月草將枯則命駕而還其地在中都東北
慕壽祺曰世祖始主中夏先發制人躬神武以膺帝圖握乾符而起朔七從劉秉忠之請
改號曰元命伯頤等出征帥師滅宋看白燕來時趙氏之山河安在問黃龍舊府金人之
巢穴已空推倒一時豪傑誕膺萬國貢珍猶欲聲及乎鬼區名聞乎環海觀其通交趾招
琉球擊瓜哇緬甸降金齒伐占城臣高麗搗日本服前人所不服通上代所未通溯當日

陸安王駐軍
大盤山

用兵形勢按以今日奧圖亞細亞全洲自北印度阿刺伯外咸奉蒙古正湖南包南洋數
鳥西跨歐羅巴大陸北極西北利亞沙漠之地此固唐宋之所不能比盛亦非秦漢之所
可與希蹤也嗚呼盛矣哉秦漢唐宋武功之盛領土之開亦嘗冠帶百蠻車轍萬里搜山
盪谷掃穴犁庭然第用武於邊隅突未傍通乎海外偉哉元代之用兵也幾并全亞旁躡
東歐當東西兩洋間小國悉奉元之政令中國文華漸被重洋商界交通往來萬國所由
羅馬法皇遣使於燕京意大利人來仕於中國俄羅斯願為藩屬非遇大彼得其國恐未
必復興奇卜祭台鎮邊疆以遮歐羅巴其勢善防其東下
威輝旁達自古所無西人至今言之猶噴噴焉稱贊不衰
案史元世祖名忽必烈憲宗弟至元二十年庚辰混一天下始承正統又在位十五年共
三十五年改元二日中統曰至元三十一年春正月帝崩親王諸大臣發使告哀於皇孫
知樞密院事巴延總百官以聽夏四月
皇孫特穆爾即位於上都是為成宗

成宗乙未元貞元年夏閏四月蘭州黃河清

上下三百餘里凡二日

冬十月癸丑以西北叛王將入自吐蕃命平章軍國重事答失蠻往征之

仍敕使官總帥

發兵千人從行聽其節度

丙申二年夏四月辛未安西王遣使來告貧乏

帝諭之曰世祖以分賚之難嘗有聖訓阿南達亦知之矣若言貧乏豈獨汝耶

元漢西行省治
京兆府改京兆
十六年改京兆
為安西府後又
改為奉元路

去歲賜鈔二十萬錠又給以糧今與則諸王以為不
均不與則汝言人多飢死其給糧萬石擇貧者賑之

六月陝西甘肅旱饑

安西延安鞏昌慶陽環州旱時許展為陝西行省右丞以關中饑議
發廩賑之同列以未經奏請不可展曰民為邦本今饑殺若此若俟

命下無及矣擅發之罪吾當任之遂發粟賑貸命亦尋下宋范純仁知慶州餓卒滿路官
無穀以賑恤純仁欲發常平封樁粟麥濟之僚屬請奏而須報純仁曰七日不食即死何
可待報諸君且勿憂吾甯獨
坐罪戾其效法純仁者歟

吐蕃叛殺掠階州軍民遣脫會諸王鐵木兒不花只列等合兵討之

元史作
遣托克

托會諸王特穆爾不花等合
兵討之與綱目等書小異

丁酉大德元年春三月甲戌西蕃寇階州陝西行省平章脫列伯以兵進討

其黨
悉平

留軍五百
人戍之

敕建臨洮佛寺

後至泰定帝泰定三年遣僧修佛寺於臨洮等處四年修佛寺於賀蘭山
及諸行宮甚至帝后受戒詔各郡建帝師八思巴殿其制視孔子廟有加

案八思巴為人中聖者之稱本名馬提得瓦加元世祖尊為帝師詔依梵文

元代佛教之興
大興佛教
教化之興
宗途之興
師承之興
其任服西北
仍沿元朝封內
海軍統並遠
各寺院但於
力不及元代之

體例製蒙古字乃晉號開教宣文輔治大聖至德普覺真智祐國如意大寶

法王西天佛子大元帝師統攝諸國釋教上師居薩加地因稱薩加哇其徒

如慶巴沙囉巴達巴等博通密顯宏益滋多上師相諸國人根性遺弟子及

藏中大德隨宜教化於是西藏紅衣密教通行支那蒙古西北利亞諸處西

歐波斯及南洋羣島凡元代兵力所及之地靡不有喇嘛行化之迹西藏佛教略史

陝西平章事脫烈伯領總帥府軍三千人收捕西番回

詔留總率軍百人及階州備軍禿思馬軍各二百人

守階州餘軍還元豐

戊二年夏四月遣右丞相伯顏答耶速帶兒於甘州

以擅調甘州戍軍故也伯顏蒙古八鄰部人事世祖成宗出入

將相伐宋功第一

己三年廣甘州城

甘州即漢張掖郡故城西夏因之至是擴修周九里三十步

明修甘州城登
見小兒屍內有
項大元年事夏
王妃紀號

案甘州府城元大德三年擴修至明洪武二十五年都督宋晟於東偏增築三里三百二十七步爲今城計一十二里三百五十七步高二丈二尺厚三丈七尺萬歷中築以甃石門四東陽煦南延恩西懷新北鎮遠其重關東寅賓南時薰西廣德北永康樓櫓具備角樓四巡鋪二十有四池闊三丈七尺深一丈七尺東西南三郭俱高二丈二尺厚二丈一尺東郭互四里一百三十一步北郭半之南郭互二里二十四步城中鎮遠樓清康熙二十九年張掖縣知縣富斌修城年久圯甚光緒二十五年重修越二年落成並補建四城樓門

明萬歷二年築甘鎮城據委官楊槐等稟稱修至南面創削垣牆見露木匣骸骨長二尺餘寸約有五百餘骸其西南垣內亦有前項骸骨無數將謂前代孩童又有男衣冠貴賤疊至宛然齒頰可疑就中一棺面書至大元年閏十月甯夏王妃紀號等因巡撫寧遠節總兵李震太僕寺卿郭文和分巡道徐節都司李應祥周鎮等爲之收殮並以文祭之曰王公設城專以衛民惟靈歸葬當另佳城云何衆駭在此垣中今奉皇命磚砌新工創垣墉即見攢叢數百鱗柩不分西東風雨霖霖何保屯蒙其爲驅殺三尺不盈在我明時若小兒童拳顛堅齒聞見相驚柩木衣冠尙有辨整何代何國爲此瘞靈非時故忍爾爲鮮終中有一柩尤爲可駭紀年至大甯夏王妃墨識棺首不主不婢又有數柩紗帽冠首圓領襯衣頭亦拳顛生亦皆貴死竟同埋若謂胡俗不知瘞埋若謂漢家何瘞爾爾雖可怪枯骨則一而今而後論我官軍不礙修砌存安汝魂若果淺露爲爾卜楚爾今爾後在城在營各相護保永安幽冥

樞密院奏河西不曾刷馬之地和尚先生也里可溫答失蠻馬匹盡行拘刷

此春二月之事
見大元馬政記

附錄泰山嶽廟元聖旨碑文

長生天氣力裏大福陰護助裏皇帝聖旨軍官每根底軍人每根底管城子

達魯花赤謂掌印官管
理民事者也官人每根底來往的使臣每根底宣諭的聖旨成吉思

皇帝暨列祖列宗聖旨裏和尚謂僧
人也也里可溫外洋教士
在中國者先生謂道
士也達識蠻

一作答失蠻
謂回教徒也不揀甚麼差發休當者告天祝壽者麼道有來如今依着在先聖

旨體例裏不揀甚麼差發休着者與咱每告天祈福者麼道泰安州有的泰

山東嶽廟住持提點通義守正淵靖大師張德璘生每根底執把行的聖旨

與了也這的每廟宇房院裏使臣休安下者鋪馬祇應休拿者商稅地稅休

森山有元至正
四年歲兒年豐
晉寧與此略同

與者但屬他們的水土園林碾磨舖席不揀甚麼他每的休倚氣力奪要者
每年燒香的上頭得來的香錢物件只教先生每收掌者廟半損壞須修理
整治者這的每其間裏不揀是誰休入來休沮壞者更這張德璘梁道根底
聖旨與了也無體例勾當行呵他不怕甚麼聖旨泰定年鼠兒年十月二三
日大都有時分寫來

顧炎武曰元史泰定帝本紀有卽位一詔文極鄙俚蓋以曉其本國之人者
今嶽廟有二碑其文亦然可發一笑然其曰每年燒香的上頭得來的香錢
物件只教先生每收掌者則是時香錢固未嘗以入官也後世言利之臣蓋
元之不如也已

壬寅六年冬十一月籍甘州善射軍隸諸王出伯

甘州國王分地也出伯承襲世次莫詳延祐中市馬萬匹給關土南忽里

等以濟其貧至順中敕為幽王不類鐵木兒建居第於甘州至元中以白城子屯田賜宗王忽南里以金繫腰賞幽王嵬厘獲西蕃寇蓋皆出伯族也

癸卯七年春正月禁釀酒

二月賑合迷里貧乏戶

三月徙廉訪司於甘州 甘州行省供軍錢糧多弊故徙之非罷行省差調民兵及取勘軍民站戶家蠲孳畜之數

夏閏五月甘肅行省平章合散等侵盜官錢 共十六萬三千餘錠鹽引五千餘道命省臺官徵之

六月遣蒙古軍戍瓜沙二州 御史言瓜沙二州為邊鎮重地今大軍內屯甘州使官民反居邊外非宜乞以蒙古軍萬人分鎮二州險隘兼立屯

田以供軍從之既而簽樞密院齊諾言蒙古兵在山東河南者往戍甘肅鞍馬自備動涉萬里成者未歸代者當發前後相仍困苦日甚請以近甘肅之兵戍之詔從之

冬十月陞甘州為上路設刑部獄吏一員以卹囚徒 元制凡戶滿十萬者為上路當衝要者雖不及十萬戶亦

為上路上路秩達魯花赤總管并正三品又每路設司獄員丞各一員為常制刑部獄吏一員時特設也

丙午十年秋八月開城路地震 先是晉甯冀甯及諸郡地震至是開城又大震壞王宮及官民廬舍壓死五千餘人

世祖第三子忙哥刺封秦王其府在長安者為安西在六盤者為西開成皆聽為宮邸是王宮

己十一年夏四月詔以禮店軍還屬吐蕃宣慰司
元之興也滅金滅夏統一黃河流域西與西藏交通設吐蕃宣慰司

於河州復尊西藏刺麻首領八思巴為國師主持西北紅教於是藏族與蒙古族結合甘肅
青海境內之吐蕃在蒙古帝國勢力範圍之下漸次被同化於漢族矣至是以隴南之

禮店軍屬河州吐蕃宣慰司

案史成宗名鐵木耳世祖孫在位十三年改元二曰元貞曰大德大德十一年春正月帝
崩國無稱曰額勒哲依圖皇帝是年六月立鐵木耳之弟阿裕爾巴里巴特喇為皇太子

即位是為武宗

武宗戊午至大元年夏六月隴西及雲南地大震
後三年甘州飢地震大風有聲如雷賑之

冬十月以西僧教瓦班為翰林學士承旨
揭之於册遺臭萬年

十一月覈天下屯田甘州以道遠免覈
中書言天下屯田一百二十餘處由所用非人多致廢弛除四川甘州應昌雲南為地遠

遠餘當選習農務者往覈其可興者興可廢者廢詔從之

是歲封太祖曾孫火郎撒為隴王

是年秋八月
臨水旱蝗則武多甚

己未二年甯夏立河渠司 秩五品 官二員

案古代國家以軍事為重故凡百設施皆屬於軍事今世之國家不然以生計為重故凡百設施皆屬於生計昔者因軍事而須生計今也因生計而須軍事甯獨軍事其他要政莫不皆然此英儒斯賓塞爾之言也胡元起自沙漠以陸軍縱橫天下而得國之初以河渠為人民生計所關曾飭郭守敬董文用隨時疏濬矣至是又於甯夏設官專司其事慕壽祺曰古有陂官湖官所以司水利也後世此官遂廢西北荒田堅如鐵矣元武宗設河渠司於甯夏壞沃稼茂民不苦旱仁矣哉清因之設甯夏水利同知至同治十三年左宗棠以此一缺改為甯靈廳撫民同知所遺水利事務歸甯夏府兼理究不如專員之司其事也然光緒一朝如黃自元高秉哲皆能盡心水利王全臣不得專美於前矣

甘州饑撤的迷失劫幽王出伯輻重

秋八月城甘州 中書省臣言甘肅省僻在邊陲城中蓄金穀以給諸王軍馬世祖成宗常修其城池近撤的迷失擅與兵掠幽王出伯輻重民大驚擾今撤的迷失

雖已伏誅而城不加修屢起寇心從之

辛酉四年置甘肅行樞密院於甘州 先是甘肅省臣佩虎符得提調所屬軍馬至是以言者議其專拘遠虎符置行樞密院設官四員督其事

尋仍歸行省而罷樞密院

登殿及成宗常
維甘州城

春三月甯夏地裂

至泰定帝泰定四年秋九月壬寅甯夏地震致和元年秋七月辛酉甯夏地又震

夏六月敕宣政院凡西蕃軍務必移文樞密院同議以聞

時吐蕃犯永福鎮敕宣政院與樞密院遣兵討

之

秋閏七月己酉吐蕃寇禮店文州命總帥亦鄰真等討之

陝西行省領禮店文州軍民府

案禮店故城在今禮縣東四十里明洪武初置禮店千戶所移於今治屬岷州衛十五年改屬秦州成化九年巡撫馬文升奏設禮縣於所城西順治十六年省所入縣文州即今

縣文

八月丙戌敕西蕃軍務隸宣政院

案史武宗名海山世祖孫在位四年改元一曰至大帝慨然欲創治改法而有為故其封爵太盛而遙授之貴衆賜賚太隆而泛賞之恩薄至元大德之政於是稍有變更以至大

四年春正月帝崩壽三十一國語稱曰庫魯克皇帝三月皇太子即位是為仁宗

仁宗甲寅延祐元年以伯都為甘肅行省平章政事

伯都博羅歡次子幼穎異不矜家室長嗜書史由陝西行臺御史大

夫擢行省平章時米價騰湧陸悅每石費二百緡都爲經畫計所省至四百餘萬緡至是
諸倉充溢甘州氣寒地瘠少稔歲民饑則發粟賑之春秋種則貸之兵餉既足民食亦給
詔賜名鷹甲冑弓矢及鈔五
千緡以勞之英宗初卒於家

夏六月六盤山隕霜殺禾嫁五
白餘頃

冬十月復甘州屯田蠲租
賦也

乙卯二年夏五月成紀自移是夜疾風電雹北山南移至西河州次日再移平地突出土
阜高者二二三丈陷沒民居監察御史馬祖常言山不動之物

令而動焉由在野有當用不用之賢
在官有當言不言之任故致然爾

舊史氏曰天道常動地道常靜苟或宜動而靜宜靜而動則是失乎常理是
乃所以爲異也是故三王修德百軌順度天地於焉而位萬物於焉而育自
無三辰失行山崩川竭兵亂凶荒脂殞卵殖之患矣然而欲天地之位必位
吾心之天地欲萬物之育必育吾心之萬物夫綱目所書山崩川竭有矣未

總公移山是古
人比之辭今
實有其事矣

馬祖常秋道人
遷居士王御史
地誌

聞有山移者焉山而移則其變豈不大哉故特謹而書之

丙辰三年夏五月置甘肅儒學提舉司秩從五品
甘肅學官自是始見於史册甘州文廟在今文廟巷蓋亦自是始建云

案尙書云仰惟前代時若訓迪厥官謂教訓而啓迪之也左傳綏之以訓辭謂教訓之辭也南史明山賓累居學官甚有訓導之益此學官之見於經史者也元設提舉司以爲管

理學校之官明制府學置教授州學置學正縣學置教諭訓導掌文廟祭祀管理所屬文武生員故謂之教官又稱校官

慕壽祺曰甘州南輯羌戎北禦胡虜西控西域城郭諸國爲長官者但知蒐軍實練將材積勳耀完亭障謹斥堠固圉外如何退敵求太平無事足矣奚暇與文教哉今既

置提舉司文廟亦於是乎修何尊孔如此其重也蓋自元太廟時耶律楚材請修書院幸闕里柄用儒術有自來矣

冬十月甘州饑修城蠲租以濟之

丁巳四年夏六月己丑成紀縣山隕
五年春二月丁酉秦安縣山隕夏五月隴西縣山隕秋七月戊子甯遠縣山摧六年秋八月伏羌縣山隕

戊午五年西蕃賊起
時甘肅頻歲饑饉西蕃土寇乘之擄掠敕行省調兵討之

未己六年陞回回國子監爲廣惠司掌回回醫藥
先是延祐元年立回回國子監至是陞廣惠司秩正三品西北回族有疾

病賴醫藥以療
治者治自此始

嘉壽祺曰龍門邱處機語元太祖曰藥為草精為髓去髓添草譬如囊中貯金以金易鐵久之金盡所有者鐵耳夫何益哉此言富貴之家不惜元氣服藥無益非謂醫藥之可廢也元仁宗設廣惠司而賞回回醫藥豈非仁政之一端乎

庚申七年秋九月利族阿俄等寇成州鞏昌總帥汪庸以兵討之

案史仁宗名愛育黎拔力八達武宗弟在位九年改元二曰皇慶曰延祐延祐七年春正月辛巳朔日食帝崩諱三十六國語稱曰布延圖皇帝三月皇太子即位是為英宗

英宗壬戌至治二年以乃蠻台為甘肅行省平章政事乃蠻台本華黎五世孫也明斷有威甘肅歲繼於蘭州多至二

萬石距甯夏等處各千餘里至甘州又千餘里始達亦集乃路而甯夏距亦集乃路僅千里乃蠻台下諭令曉者自甯夏逕趨亦集乃路歲省費六十萬緡至正中卒封魯王諡忠穆

是歲免甘肅回回屯戍銀稅

癸亥三年春三月丁未西蕃恭卜郎諸族叛敕鎮西武靖王搠思班等發兵討之

夏六月丁卯西蕃恭卜郎諸寇未平遣徽政使魏驥往督師

西蕃寇鞏昌府

案史英宗名碩德八剌仁宗子在位三年改元一曰至治至治三年秋八月御史大夫特克錫鞏帝於南坡及右丞相拜住時年二十一國語解曰格根皇帝九月皇太子晉王即位於龍居河是為泰定皇帝

泰定帝中泰定元年冬十二月陝西行省以兵討階州吐蕃察罕腦兒

乙丑二年春閏正月階州吐蕃為寇鞏昌總帥府調兵禦之

夏四月伏羌縣山摧

是歲金州今榆中縣創立學宮

遼道宗講論語金粘罕保護孔林後至元成宗大德十一年秋七月加孔子號曰大成制曰先孔子而聖者非孔子無以

明後孔子而聖者非孔子無以法所謂祖述堯舜憲章文武儀範百王師表萬世者也可加大成至聖文宣王遣使闕里祀以太牢於戲父子之親君臣之義永為聖教之遵天地之大日月之明奚馨名言之妙尙資神化詐我皇元闢右始聞絃誦之聲見宮牆之美莘莘學子無不忻悅至是金州始建學宮蓋喪亂之餘文廟荒廢久矣

是年五月
霖大雨深
死者
五百餘家

結罕爲國元帥
錢鏐亦襲父
官人稱曰字
揚諱言大官
人也

遼道宗朝有漢人講論語至北辰居所而衆星共之道宗曰吾聞北極之下爲中國此豈其地邪至夷狄之有君疾讀不敢講則又曰上世孺鷺檢狃蕩無禮法故謂之夷吾修文

物彬彬不異中華何嫌之有卒令講之

案松淇紀聞云粘罕者吳乞買三從兄弟名宗幹小名烏家本曰粘漢言其貌類漢兒也初漢兒至曲阜方發宣聖陵粘罕聞之問高慶緒曰孔子何人對曰古之大聖人曰大聖

人豈豈可發皆殺之故闕里得全高慶緒渤海人

慕壽祺曰自漢武表章六經歷代尊孔典禮以唐宋爲最優然猶以臣禮待先師也求其品稱適當尊崇備至未有過於元成宗者也天札一頌吾道爭氣西北諸省爭建學宮豈

僅一金州而已乎

丙寅三年夏四月禁西僧馳驛擾民

先是西塞御史李昌言嘗經平涼府靜會定西等州見西番僧佩金字圓符絡繹道途馳騎累百傳舍至

不能容則假館民舍因迫逐男子奸污婦女奉元一路自正月至七月往返者八十五次用馬至八百四十餘匹較之諸王行省之使十多六七釋戶無所控訴臺察莫得誰何且

國家之制符本爲邊防警報之虞僧人何事而輒佩之乞更正僧人給驛法且得以糾察不報至是聞其擾民禁之

清高宗曰郵傳之設所以速使節非軍國重務不得輕擾之至於金字圓符元時用以備邊乃僧人佩符乘驛者多至傳舍不能容無謂甚矣元政之衰於此可見

遣僧修佛寺於臨洮等處

冬十一月階州吐蕃復為寇武靖王遣臨洮路元帥蓋諶諭降之

丁卯四年秋七月岐王續南管卜訴荆王也速也不干侵其分地命甘肅行省閱

籍歸之

少千五百錠

是年修佛事於賀蘭山及詩行宮帝后受戒於西僧詔各郡建帝師八思巴殿其制視孔子廟有加

戊辰致和元年文宗皇帝圖帖木兒天曆元年秋七月甯夏地震未幾帝崩於上都諸王爭立嗣政紊亂甯夏地震變不虛生矣

冬十月圖帖睦爾即文皇帝一作圖帖木兒遣使至陝西甘肅省臣執之送上都初燕帖木兒遣人召陝西

行省官章探馬赤行臺御史馬札兒台皆不至至是使者頒懷王即位詔至陝西甘肅省官皆焚毀其詔執其使械送於上都已而圖帖睦爾兵陷上都遂告祭郊廟

案史泰定帝名也孫帖木兒世祖孫在位四年改元二曰泰定曰致和致和元年秋七月帝崩於上都壽三十六文宗不為立廟諡世止稱為泰定帝秋八月皇太子即位於上都

壽定子阿達吉
八稱號天順時
屬時不久耳

飢民斃子映母
猶不失孝養之
義近年以來親
生父母有殺子
而食者矣

是為明宗旋昇廟年三十國語稱曰胡土克圖
皇帝圖卜特穆爾復襲位於上都是為文宗

十一月弛蒙古色目人居親喪之禁

是年夏四月塔失鐵木兒倒刺沙請凡蒙古色
目人效漢法丁憂者除其名從之至是弛禁自

願者
聽

明宗己元年

八月以後文宗圖卜特穆爾天歷二年按明宗即位而未改元
續綱目削而未書今變例特書元年而附注天歷二年於下

春正月陝

西大饑

陝西自泰定二年至是不雨歲大饑人相食圖卜特穆爾乃遣張養浩為中丞往
賑之先是養浩棄官家居七詔不起至是聞命登車即行道經華山禱於岳祠一

雨三日到官復大雨禾黍自生秦人大喜時斗米十三緡民持鈔出糶稍昏即不用詣庫
倒換累日不能得民大窘養浩檢庫中未毀昏鈔文可驗者得一千八十五萬悉以印識
其背又刻十貫五貫為券給貧民命米商視印記出糶詣庫驗數以易之又率富商出粟
及奏行納粟補官之命聞民有殺子以映母者為之大動出私錢濟之且命出其肉徧示
闔府官屬責其不能賑貸到官四月未嘗家居止宿公
苦夜禱於天晝出賑饑民終日無少怠遂得疾未幾卒

案自古饑年饑僅草根木皮剝削殆盡而後人類相食綱目大書特書不一

書矣就西北往事言之漢末蓋動人 敦熈 領漢陽太守時大饑人相食勸調穀

散之晉初後秦姚興圍苻登於南安今臨西縣城中糧絕人相食清同治七年因

亂失種甘肅甯青大饑人相食隴東尤甚從未有殺子以食者民國十八年甘肅

無地不匪加之以饑饉靈臺縣窮民有殺子而食者矣惜無張養浩其人設

法賑濟

慕壽祺曰元明兩朝國史凡言陝西而甘肅在其中矣甘肅近數年以來天久不雨加之
以師旅因之以差徭民無顆粒之儲往往殺子而食婦女且有攔路食人者矣使張養浩
見之不知其若何痛哭流涕長太息也然民國十三年
蘭州已有賣人肉包子者矣嗟呼民窮至此復誰憐哉

封寬撤為肅王忽答里迷失為西甯王

文宗庚午至順元年夏六月發朵甘思朵思麻及鞏昌諸處軍萬三千人人乘馬三匹徹

里鐵木兒同鎮西武靖王柳思班等由四川教化從豫王河刺忒納失里等由八蕃分道進軍

命甘肅行省誦藏經特命誦藏經六百五十部施鈔三萬錠

憲宗元年號
成僧納摩為國
年冬號西僧統
克巴為國師至
六年加號師
元之尊奉佛法
非一朝夕故

慕壽祺曰甘肅行省與西藏鄰凡垂髻之童載白之叟莫不誦經文宗復以命令行之將使政界中人皈依佛法誠心向善天良不推發見矣豈知心即佛也未嘗有心外之佛心即天也未嘗有心外之天禪不在乎口頭所恃者官吏糾心之法無慚衾影耳偷口善而心不善彼梁武帝之同泰舍身末徽宗之專誠好道其結果究何如耶

秋七月命鞏昌都總帥府調兵千人戍四川開元大同真定冀甯廣平諸路

八月隴西地震

辛未二年春二月立甘肅路廣教總管府掌僧尼之政也

元時信教自由甘肅毗連西藏故設廣教總管府以掌之

刺麻教初自印度傳入吐蕃其教旨重禁呪祈禱許畜妻子後以勢盛干涉

政治教主威令行於全土元世祖征定吐蕃以刺麻八思巴一作發思巴其先世居青海之濱

歸尊為帝師自是其徒嗣者咸稱帝師帝師命令許與詔敕並行歷代帝后

俱就帝師受佛戒國家既疲於供養姦民復從而附之遂為亡元之本

道教命邱處機掌管天下道教為一派錄授真大道教鄧希誠為太元真

人為一派憲宗本紀命正一天師領江南道教為一派賜李居壽太乙掌教宗師

印為一派賜張留孫玄教宗師印為一派元釋老志命三茅山上清四十三代宗

師許道杞別主道教為一派世冊本紀可謂糅雜極矣然至元十七年諭真人祁

志誠等焚毀道藏偽妄經文十八年命張易等參校道書易奏惟道德經係

老子親著餘皆後人偽撰宜悉焚毀元史

景教為基督教之支流大秦景教流行中國碑在陝西省城明末發見但景教與今之天主教尚小有別乃司脫利安所

創初盛行於波斯以唐時流行於中國其勢甚盛諸州多立有景寺同時又

有祇教一名拜火教摩尼教教旨折衷於基督教祇教亦自波斯傳入武宗時與佛教同見廢元

代信教自由以威震歐洲故羅馬法王及法蘭西王俱遣使東來皆基督教

徒也元室就衰東西之交通中絕其教之行於吾國者乃漸衰廢云

回教為謨罕默德所創亦以唐時入中國行於南部沿海之地唐貞觀初安置降回於甘州

宗後回鶻入居敦煌宋時復由西亞流行西域元代始盛行東方其教徒多西域人時

稱西域為回回因以名教凡進士賜出身者須別通回回教則其勢力之盛

可知

慕壽祺曰宗教之所關大矣楚漢交兵而後文學好黃老始能休養民氣隋唐鼎革以來太宗修佛寺藉以減少殺機元以胡入主中夏色目人所信從之宗教政府亟為提倡無非結合團體其

三月旌甘州阿兒思蘭免古妻忽都的斤及山丹州郝榮妻李閏貞節 明年二月又旌

甘州路岳忽妻失林志節

慕壽祺曰教化東漸廉恥道喪風移俗易日異月新對於婦女節操不加重視遂謂請旌之典直為變死之道非所以重生命也至婚姻大事今日戀愛明日離異士大夫家公然

行之設語以從一而終之義必且嘖爲至愚不大噉不至而世俗亂民鄉曲僂子血氣態度擬於女子荀子謂終則京於有司而戮乎大市今則無人過問羣且許爲時髦嗚呼名教之盛闔閭之醜愈奇莫可制止非有禮教以範圍之則中國其不國矣

秋七月丁酉調甘州兵千人撤里畏兀兵五百人守參下邸以防吐蕃

案畏兀兒通鑑輯覽作輝和兒新元史云畏吾氏本回鹘之裔音轉爲畏吾本在和林唐末弱亂徙居火州辛卯待行記云畏吾兒本吐谷渾素和貴之裔降於吐蕃所挑衛川亦曰計羅川後訛爲貴和爲畏吾畏兀非回紇人但音近耳宋王韶復湟中畏吾王懼遷於瓜沙徙入交河降於西遼封交河王爲畏吾兒國其酋曰月仙帖木耳其子巴爾朮阿爾忒降元太祖使尙公王

又案元太祖蛇年春畏兀兒國主亦都護聞帝威名殺哈刺乞解所遣監國大臣曰沙均將遣人納款帝聞其事先遣阿勒撥魚士克迭兒拜使其國亦都護厚款之令其臣博古思阿世阿忽赤阿蘭帖木兒偕以來諺若謂出往來人言皇帝雄威大度能撫定百姓故棄哈刺乞解將遣使來附并以古兒汗情形上陳不意帝使先至警雲附見日冰冲得水意不自勝而今而後願率全部爲僕爲子竭誠效力其使之言如此當托克塔中矢死時其子忽都赤刺溫赤攸克呼圖罕蔑兒根涉也兒的石河將奔畏兀兒遣哀不干爲使先往亦都赤之與四人戰於真河逐其衆以蔑兒乞部爲帝仇遣阿兒思蘭兀喀察魯忽兀喀孛拉的斤亦納兒乞牙松赤來告戰事既而二使偕帝使亦至帝曰亦都護果能輸

誠效力於我復遣阿勒撥魚土克二使往徵貢獻亦都護尋遣使進方物珍異馬年夏復遣使於畏兀兒羊年春柯耳魯克部主阿思蘭汗來觀於克魯倫河亦都護亦至且曰帝若賜我得在僕役之列使遠近皆知我依託陛下襟帶之間我願為第五子也帝知其意在親附因曰我以女與汝汝為我第五子

冬十二月罷甘肅行省月魯帖木兒提調軍馬月魯帖木兒既非蒙古族又聞於事機使總兵柄恐非所宜故有是命

是歲令韋紅鹽行銷地以涇州白家河為定界元代置行省於甘州而鹽務則隸陝西通司下食鹽之戶該辦課二十萬

二千一百六十四錠內蒙昌延安等處認定課鈔一萬六千二百七十七錠慶陽鳳翔興元等處歲辦一萬七千九百八十五錠惟大花馬池所產之鹽紅鹽不准入陝境及順

帝至元二年監察御史帖木兒不花胡通奉所言限以黃河為界陝西之民任便使用韋紅二鹽解引依舊西行紅鹽不許東渡獨郝同知言連司每歲辦課四十五萬錠今止認

七萬餘十三萬錠從何取辦議不合而散當時戶部遂參照至順二年例以涇州白家河水為定界聽民食用仍督所有軍民長官嚴行禁約毋致違紅二鹽犯境侵課中書省如

所議行之

案大小花馬等池向時原在花定範圍以內大花馬池成鹽作用純出自然略與湯家海等而產量則較湯池奚啻百倍特為銷數所限毋許多撈以故陳鹽未完新鹽又起堆積累累莫可指數池底又產鹽根一名形鹽亦名太陽元精色有青白二種四方透明如散自然中含花眼故又名花鹽性涼入藥能治胃病目疾齒痛霍亂沖服噉啞立見神效相

傳係古龜茲遺種考諸私家記載該池係在漢時出現至唐鹽池十八皆隸度支宋
陷於夏不許池鹽入口元因宋制亦復禁輸內地嚴定地界不准章紅鹽犯境侵課

又案元制凡偽造鹽引者皆斬籍其家產付告人充賞犯私鹽者徒二年杖七十止籍其
家產之半有首告者於其所籍之內以其半賞之行鹽各有郡邑犯界者減私鹽罪一等

以其鹽之半沒官半賞告者又百官志載有鹽官階級自正三品至從九品轉鹽運使司
及掌場推監辦鹽貨以資國用使均正三品同知正四品副使正五品通判正六品首領

官經歷從七品知事八品照磨從九品又有所有司有兼司復頒分司印巡行郡邑而近
人黃本麟歷代職官表載有行書御史兼管鹽政有鹽課司提舉有司令有批驗所大使

有提控案牘諸官名或監鹽場或總鹽課皆設於河間
山東河東陝西等處是元代於鹽官法制業已大備

慕壽祺曰鹽為人生必需之品甘肅產鹽之地為最多自黃帝時即有夙沙責海為鹽之
舉歷堯舜禹湯以至於周周禮鹽人掌鹽政令以供百祀之鹽關於民生需用其詳不可

得聞矣秦漢而後三國魏明帝時徐邈為涼州牧上言請修武威酒泉鹽池唐食貨志載
靈州五原有烏池白池瓦池細項池靈州有溫泉池兩井池長尾池五泉池紅桃池回樂

池弘靜池會州有河池三州皆輸米以代鹽五代周太祖廣順二年勅令慶州權鹽務宋
太宗至道末其願鹽通商者京西則有涇原甯儀渭環慶秦階成等州暨鎮戎軍其時鹽

英祇聽州縣給賣初未有客鈔也已而產鹽之地為西夏所據甘肅之鹽不能行銷於陝
西矣元初沿宋禁令甯夏大花馬池之鹽仍不許過涇州白家河網亦稍密矣而鹽官鹽

法已粲然大備予故表而
出之以俟考古者覽焉

壬 三年秋八月隴西地震 帝自即位以來才三年耳而紛紛災異史不絕書夏四月畿

日食雲南饑至是而又有京師隴西地震又書地震則其災異之多未有甚於此時者也

癸 四年 順帝元 秋八月鞏昌徽州山摧 徽州即今徽縣

案史文宗圖帖木兒明宗弟在位五年改元二日天曆日全順至順三年秋八月帝崩於上都年二十九國語釋曰濟雅 皇帝冬十月歸于額琳沁巴勒即位是為窩闊台十一月特穆爾即位於上都為順帝

順帝 乙 後至元元年奉安世祖母別吉太后於甘州路十字寺 太后蓋在甘州者至是命有司定祭

禮

案景教碑有東禮以迦生榮之路判十字以定四方諸文羅馬派皆無是說善景教流行中國比羅馬派較早且馬可敬云甘州大致皆奉偶像教然亦有奉基督教及回回教者其地之基督教徒於城中建大禮拜堂二所此時基督教徒之衆可想而知

案西人言器莫精於十字架蓋奇偶相交之形周之成規折之成矩肅之成

甘州人民信奉基督教致在元初此言繁有徒

宋末改號仍高宗之建炎並未更號仍世祖之元

凡醫巫有神術者往往不得其死焉過藥殺之類是也耶蘇爲人始也亦由此所殺之極刑耳

順帝爲瀛洲子余應第十歲飛龍之時袁忠徹之事實何尚書之說治次前明白其被南山筆之報也陶捕存辛卯侍行記所錄皆本前人筆

角剖之成弧制器之用備矣先儒相承河圖洛書中宮五數皆作十字線特未聞其義耳惟其具天地之全體兼水火之大用故能剋治魘譎奇表之有害於世者周官帝涿氏掌交水蟲若欲殺其神則以牡牝牛貫象齒而沉之牛貫者十字也漢書方術傳謂之禁架古之巫醫者皆有是器耶蘇殆得其遺法嘗操十字以行其術耳而湯若望龍華民輩乃訛爲受刑之具或又疑爲窺天之器則西人之陋已

又案辛卯侍行記順帝生於甘州西寺初宋少帝降元時方六歲封瀛國公尚公主其後有請誅之者公主以告瀛國乃請爲僧易名合尊至元二十五年學佛法於吐蕃年十八後奉詔居甘州山寺有趙王者憐公贈以回回女子延祐七年庚申生一男隨蒙古俗名爲妥懽帖睦爾時公已五十矣初元

明宗爲周王違仁宗旨逃之漠北與瀛國締交瀛國之子妥懽帖睦爾有異
徵明宗乞養爲己子並納其母後卽帝位二年見弑文宗立詔云明宗在朔
漢素謂妥懽帖睦爾非己子徙之海島又移廣西文宗傳甯宗不數月而殂
太后命立妥懽帖睦爾卽順帝也而實趙氏之子惜乎卽位之初盜賊蜂起
豈天故生斯人以亂元室耶

恭壽祺曰蒙古風俗其父母死則舉而委之於野豈尙知慎終追遠之厚德哉茲於甘州
路十字寺奉安世祖母別吉太后定祭禮夷而進於中國矣豈許衡等所指導歟不然何
進化如此
其逃耶

丙子二年冬十二月丁丑西蕃賊起遣兵擊之

丁丑二年春三月河州大雪十日深八尺馬駝牛羊凍死者十九民大饑

夏五月西蕃盜起時甘肅頗歲饑饉西蕃上竄乘之殺鎮西王子巴丹尋蔓延至
二百餘處詔立行宣政院以額森特穆爾爲院使督兵往討之

一作殺鎮西王
子爲兀班以也
先姑木兒住討
之

秋八月詔甘肅邊遠官死不能歸葬者有司護送之並給鈔

癸未至正三年春二月鞏昌山崩秦州成紀甯遠伏羌等縣山崩水涌人多溺死

乙酉五年命上都留守阿呀赤陝西行省左丞王坤行察甘肅省昨朝命遣官巡察官吏賢否明加黜

陟有罪

是歲蘭州知州姚諒創建學宮明洪武二年改為縣學八年知縣黃鎮重修正統十三年復為州學清乾隆四年改建府學宣統元年改修

丙戌六年夏五月陝西饑行酒禁隴東各縣往往以小麥燒酒故禁之

丁亥七年春以蓋苗為甘肅行省右丞初苗參知政事性無所阿忤時用左遷至鎮即上言諸王為國藩屏贍資雖有常制而有司牽於文

法恩澤不以時及有匱乏憂又言甘肅每歲中糧姦弊百端請以糧鈔兼給則軍民咸利矣朝廷從之

案蓋苗為參知政事時大臣以兩京馳道狹隘奏毀民田廬廣之已遣使督治苗曰馳道創自至元初何今日獨以為狹力辯其不可乃止又欲出宿衛士為郡長官俾以養貧苗曰郡長所以安民豈養貧之地果不能自存賜之錢可也若任郡守必擇賢而後可議遂寢又欲與角觝者鈔萬貫苗曰諸處告饑不蒙賑卹力戲何功獲此重賞乎於是宰相謂

類珠 泌巴類西 夏人

僚佐曰所以引善君至此欲其相助也乃每事阻抗如此後有公務毋白參政苗聞即欲引去適有旨拜江南行憲御史中丞宰相怒不解比至復除甘肅行省左丞

夏五月放太師穆齊爾台一作馬於西甯博爾克布哈以宿憾譖穆齊爾台詔徙西甯州其子托克托力請與俱行時相欲傾之因

有告變者復移於西域沙色爾之地御史大夫額琳沁巴勒曰托克托父子無大過奈何迫之於險遂召回甘肅穆齊爾台尋卒

多十月戊戌西蕃盜起凡二百餘所陷哈刺火州劫供御蒲萄酒殺使臣

案史記大宛傳宛左石以蒲陶為酒王翰涼州詞蒲陶美酒夜光杯清異錄穆宗臨芳殿賞櫻桃進西涼州蒲萄酒帝曰飲此覺四體融和真太平君子也

戊子八年春三月壬寅土蕃盜起有司請不拘資級委官討之

夏六月甯夏路應理州即中衛縣達魯花赤捐購萬壽節慶祝采帛以其不擾民也中衛元宋以前一切

建置設官茫無可考偶於縣城西北隅都司署內見斷碑一過焉至正八年立其文義斷碎撫摩摩擬補釋大抵為彼時萬壽節慶祝采帛索之民間荒歉莫措應理達魯花赤知州率屬公捐不擾累里民因建碑

記事此亦古蹟千百猶存之一也

案元代官制達魯花赤理民事之官也河州路脫思麻路置達魯花赤總官各一員鞏昌平涼臨洮慶陽四府各置達魯花赤位在知府或府尹之上其他各州縣達魯花赤總理

至正十二年春三月會州路達魯花赤秦不華與方國珍戰於澧江死之是年

此碑今已遺失恐與金石志應照此錄存以資參攷

冬十一月以
罕帖木兒為
汝
罕府達魯花赤

一切事務州尹及
縣尹皆聽其指揮

己丑九年秋閏七月戊子命岐王阿剌乞鎮西蕃

辛卯十一年以韓鏞為甘肅行省參知政事
鏞字伯高濟南人延祐中進士歷官
僉憲饒州路總管所在骨鯁有聲

壬辰十二年春三月隴西地震
凡百餘日城郭頽圮陵谷遷變定西會州靜甯莊浪尤甚
會州公宇牆崩獲弩五百餘長者丈餘短者九尺人莫能

挽因改定西為安定
州會州知會甯州

夏五月徙瀛國公子趙完普等於沙州
瀛國公宋後尙主為避免嫌疑出家於甘州
馬蹄寺生子完普亦為和尙時御史徹徹帖

瀛國公即庚申
帝出家後嗣合
尊大歸元之順
帝當其子嗣據
此則趙完普為
那帝之弟

木兒等言諸處羣盜輒引亡宋故號以為口實官
徒和尙完普及親屬於沙州安插禁人交通從之

案至正十五年春二月劉福通等自碭山夾河迎韓林兒至立為皇帝又號小明王建都
亳州國號宋改元龍鳳其將白不信等陷秦隴據鞏昌十七年冬十月復破鞏元遂圍鳳
翔元察罕帖木兒合兵擊之不信等大潰及李喜喜
皆遁入蜀盜借故宋國號以起兵者實有其人也

癸巳十三年冬十二月哈麻
是歲正月以
哈麻為右丞進西番僧於帝
僧教帝於房中運氣之術號
演探兒法又進僧伽禪真善

皇太子愛敬
 禮達服書百
 對文先生教
 其書多不曉
 一重今聽佛
 夜即向佛學
 盡崇向佛學
 對於哈麻佛
 之所為疾之
 深殆天理之
 喪亡與

祕密法帝皆習之詔以西番僧為司徒伽璘真為大元國師取良家女三四人奉之謂之
 供養嘗謂帝曰陛下居萬乘富有四海不過係有見世而已人生能幾何當受此秘密
 大喜樂禪定於是帝日從事於其法度取女子惟淫戲是樂帝諸弟八郎者與哈麻妹婿
 秃魯帖木兒及老的沙等十人號倚納皆有寵在帝前相與褻狎甚至男女裸處所處室
 日皆即兀該猶華言事事無礙也君臣官誦而某僧出入禁中無
 所禁止醜穢外聞皇太子既長深疾二僧等所為欲去之未能也

幕壽祺曰歷代宗教莫雜於元釋道之外若耶穌也里可溫尤忽答失蠻新元

史云亦同莫不兼收並蓄而究以佛教為至尊佛法無邊其研究也固宜然及
 同別教

其衰敝有為降伏怨敵者有求增長勢力者有希名利恭敬者甚至有自謂
 既得善提心戒而不顧其餘事戒者有別習邪法演為戲樂男歡女愛好大
 世界如順帝所謂演揲兒者禮法蕩然廉恥盡喪即使重用王保保欲以維
 持晚運而遏吳王之崛起也其可得乎

甲午十四年夏五月命荆王答兒麻失里代闊瑞阿合鎮河西討西蕃時西蕃有叛者故命荆王

之討

秋八月階州西蕃賊起遣兵擊之

冬十二月丁酉詔削脫脫官爵

以脫脫老師費財已逾三月坐視寇盜括不為意削脫脫官爵安置淮安路弟御史大夫也先帖木兒安置甯

路夏

命甘肅右丞鬼的討西蕃

乙未十五年

是歲夏六月朱元璋起兵

秋八月命親王寬徹班守興元永昌宣慰使完者帖木兒

討西蕃

今永昌縣元初為西涼府至元十五年以永昌王宮殿所在立路明設永昌衛治金山之陽即古番禾地

竄故相托克托於額濟諾

舊作亦集乃今改

路

元置屬甘肅行省

再徙雲南

初安托克托於淮安既又移額濟諾路至是臺臣猶

論其謫經故再徙雲南之鎮西其弟額森特穆爾徙四川端門長子哈喇章肅州次子三布幹蘭州仍籍其質產卅三月間事也至冬十一月哈瑪爾詔殺之

丁酉十七年冬十月番僧宗喀巴生於西甯衛塔兒寺

宗喀者譯言湟水口也父達囉怯起婁小蓋母名香茂阿迦生

方輿記要肅州
北有漢居延城
元額濟諾路治
此

宗喀巴為中興
西藏佛教第一
人其誕辰在十
月二十五日明
成祖時嘗遣使
來朝宗喀巴至
京師

子六宗喀巴其四也初生時頭如傘額部寬闊鼻高豎肩灣曲耳下垂肢分滿足腰際分
明諸根清顯膚色潔白如古木花三歲時有端朱仁度者見之知係法器謂其父曰願以
多數馬牛資具贈公舍爾子從我可乎父允之七歲從端朱仁度學時則尚未出家也性
不好游戲能檢束身心出語和平善恤孤獨已而誦讀經典願為上乘先是衛藏僧徒好
衣紅順帝時尊重番僧僧率縱恣不守法律其尤甚者喜為吐火吞刃攝婦女諸邪術以
鼓惑庸愚不知者復從而驚異之宗喀巴目睹其弊有志改革提倡淨戒願從遊者自遠
方來本菩提心循循善誘久之聲動遐邇來學者寺不能容其教大行其著作日富實中
興藏番佛教之第一人俗稱為黃帽以宗氏喜戴黃帽其徒皆易黃衣以示其與紅教喇
嘛迥乎不同也番族又稱為寶貝佛爺明洪武二十五年歲壬申宗氏已三十六歲是年
冬由交冒溝起程至葛尼藏修行西藏佛教史謂宗氏生於永樂十五年而西甯土觀呼
圖克圖所著一切宗義悉疊記永樂時遣人詔請宗氏若生於十五年則其人尚幼其名
未著詎有即行詔請之理他書記達賴喇嘛生於洪武時達賴係宗氏高足詎有年長於
師之理蓋宗氏至永樂十一年行年五十有七道高望重朝野傾心
又六年圓寂於永樂十七年己亥魏氏謂成化十五年涅槃亦非也
案塔兒寺在西甯縣西南四十里一名佛山經納峽之北也喇嘛舊有紅教黃教之分此
為甘肅密宗第一人首倡黃教者宗喀巴產生西甯時胞衣埋此地後生菩提樹一株樹
葉有佛像藏僧珍而藏之往在塞外明萬歷二十四年議大修邊樁創築新垣周其圍
入塞內矣有銀塔一殿瓦皆溜金宏敞壯麗甲於全省又有飛泉前山奇秀若翠鳳焉
又案慈宗至元六年封刺麻高僧發思巴為大寶法王尊為帝師佈教西藏青海是為紅
教祖後其教漸衰宗喀巴乃生於塔兒寺中興佛教為甘肅密宗第一人其信徒有三達

賴佈教前藏班禪佈教後藏哲布巴丹巴佈教蒙古數百年其澤不斬宗喀巴著述亦將次第出板貢獻於人世間矣

鄂隆曰藏人稱蓮花生阿提沙之傳尚矣然法久弊生獅蟲食獅密教至元盛極而衰宗喀巴以遠方僧改革衛藏久之紅教而為法王藏民翕然信從無間言迄今不替是豈

偶然哉蓋篤守淨戒幽密兼宏深有中於人心故紅教喇嘛幡然改悔皈依恐後譬諸儒宗其孔門孟軻乎

冬十月韓林兒黨白不信等陷秦隴不信等攻陷秦隴據鞏昌遂窺鳳翔

慕壽祺曰元起沙漠以武力征服甘肅人民蟄伏於鐵蹄踐踏之下異乎心悅而誠服者矣及順帝末海內豪傑共起而謀反正雖以白不信等之僻處西陲而攘臂一呼隨聲附和然後知種族革命之思想無古今一也不然秦隴豈易陷哉

戊戌十八年春二月丁亥察罕帖木兒李思齊調兵復涇州平涼保鞏昌先是河南劉福通兵

起攻陷關中府縣至是思齊攻走之遂復涇州平涼

三月命李思齊等討李喜喜察罕帖木兒李思齊會宣慰張良弼郎中郭擇善宣慰同知拜帖木兒平章政事定住總帥汪長生奴各以所部兵

討李喜喜於鞏昌李喜喜敗入蜀察罕帖木兒駐清湫李思齊駐斜坡張良弼駐秦州郭擇善駐崇信拜帖木兒等駐通渭定住駐臨洮各自除路府州縣官徵納軍需李思齊張

良弼又同龔殺拜帖未兒分總其兵

己亥十九年夏四月己丑賊陷甯夏路遂掠靈武等處李喜喜餘黨陷甯夏靈武諸邊地及察罕帖木兒數破賊遂復

關隴是年夏五月大發秦晉之師會汴城下屯杏花營

五月陝西飛蝗蔽天時山東西河南北及關中大蝗所落溝壑盡平民大饑

庚子二十年夏四月平章李思齊遣僉院張德欽築原州城思齊令部將袁亨分平涼為南北二城萬戶丁

院判張庸修涇州城又令張德欽城原州

秦元利志原州城在彭陽川蓋原州東西具有彭陽其說近是明成化末鎮原縣知縣徐鋪增修嘉靖癸卯知縣雙應麟加板隆慶時知縣高自治馬呈圖相繼補修崇禎末流寇

亂縣遂棄而不守清初僑治縣南黃蛟砦堡康熙四年知縣甯世延請築新城即今鎮原縣治同治八年知縣廖溥明復僑治黃蛟砦

慕壽祺曰鎮原為自古用兵地平泉屯子兩鎮尤鄰近平涼惜城垣殘破蓋自元末建築後距今五百三十餘年矣南城一帶復被河水傾瀾故城址崩削日甚防穿窬且不能矧

欲禦外侮乎

寥寥數語包括許多事實此之謂史筆
明清兩朝共五百餘年其間修城之役諒不止此數人作者所據乘年其所知而

干戈蜂起豆剖瓜分時代 元順帝

蘭州俊華印書館出版

甘肅通志卷之四十五

三

丑 二十一年春正月丁卯李思齊進兵平伏羌等處之亂

寅 二十二年春正月李思齊等攻張良弼即張良弼敗之
先是擴廓帖木兒之父察罕帖木兒與李思齊遣兵

攻張良弼帝下詔和解之恐其終不和乃命思齊擊賊於四川良弼擊賊於襄漢以分其勢尋中諭二將各以兵自効至是思齊復攻良弼兵至武功良弼伏兵大破之

幕壽祺曰古大臣以國為本而私仇皆所不記廉藺交歡秦不敢加兵於趙矣是時海內大亂兵禍滔天手握兵符者相與協力扶持猶懼弗濟此正槍口向外時也而張李同室操戈致煩天子作和事老是豈不可以已乎乃猶自相攻擊不至於亡元社稷不止也國亡而二將豈能獨存哉

夏五月辛未明玉珍遣僞將犯鞏昌
玉珍據成都自稱隴蜀王以張珍為參謀遣僞將楊尙書守重慶分兵寇蘭州及青州犯興元

鞏昌等路

幕壽祺曰四川一省保守有餘發展不足在蜀漢當日先以諸葛之賢繼以姜維之勇六出九伐多取道於祁山蓋祁山屬今西和縣出西和便至鞏昌矣且江兩水邦東吳據之與蜀為唇齒聯絡援應終難進展明玉珍據成都遣將犯鞏昌蓋以戰為守之意歟

卯 二十三年冬十二月出治書侍御史陳祖仁為甘肅參知政事
時宦者朴不花托歡內侍太子

元陝西邊故車里帖木兒擊敗之弟明玉珍

祖仁開左遷之
命時天極妻衣
軍其以弱女託
其友即日就道
後歷太常禮儀
院使元末城破
死於亂兵

外結締斯監驕恣不法御史傅公讓劾之竹太子意坐左遷祖仁乃上疏太子言天下者
祖宗之天下臺諫者祖宗之所建立願以二豎之微而於天下之重臺諫之言一切不值
獨不念祖宗乎且殿下職在監國撫軍問安視膳而已予奪賞罰之權自在君父今方鏡
德春宮反使諫臣結舌凶人肆志豈惟君父徒擁虛器天下皆生亦將奚望疏入太子怒
令御史大夫老的沙諭祖仁以托歡等初無是事御史糾言不實已與美除昔裕宗為太
子凡事合奏者皆許啓聞非獨我今日也祖仁乃復上疏言殿下所以全此二人者正緣
不知其奸故也然舉朝知之在野知之天下知之獨太子未知耳是太子以其事聞二
人皆辭退元主又令老的沙諭旨祖仁復上書言祖宗以天下傳之陛下今乃壞亂不可
救藥雖曰天運使然亦到賞不明之所致也區區二豎猶不能除况於大者願陛下顯斥
二人勿令以辭退為名成其奸計使海內皆知陛下信賞必罰自二人始則將士亦必効
力天下可全書奏帝大怒時侍御史李國鳳亦言二人
富斥於是臺臣老的沙以下皆左遷而出祖仁於甘肅

甲辰 二十四年 是年正月朱元夏四月丁未詔竄朴不花於甘肅
璋自立為吳王

乙巳 二十五年春二月皇太子命甘肅行省平章政事朵兒只班以岐王阿剌乞

兒軍馬會平章政事臧卜李思齊各以兵守甯夏
時李羅帖木兒調兵入京師
皇太子避之冀甯徵兵討禦

故也後三年順
帝北狩而元亡

英王造將北伐
 所作文得不自
 宜布元之罪
 純就家庭如一
 能著筆有幼
 方適長立如
 大適以臣幼
 秦定以弟兄
 天歷以弟兄
 於父收率入
 誠而食戰言之
 數千也然上下
 皇帝有前漢之
 行爲者亦豈少
 也哉

夏五月侯卜廷答失奉威順王自雲南經蜀轉戰而出至成州

丁未二十七年 吳王朱元
 璋元年 夏六月秦州守將蕭公達降李思齊

冬十月吳王朱元璋命大將軍徐達等帥師北伐復馳檄諭西北諸省人民

元
 擴廓帖木兒官奪其軍命諸將分統之時吳王撫有江南乃遣大將軍徐達副將軍常遇
 春率甲士二十五萬北伐以定中原馳檄諭齊魯河洛燕秦晉之人曰自古帝王臨御
 天下中國居內以制夷狄夷狄居外以奉中國未聞以夷狄居中國治天下者也自宋祚
 傾移元以北狄入主中國四海內外罔不臣服此豈人力實乃天授然遠人志士尙有冠
 履倒置之嘆自是以後元之臣子不遵祖訓廢壞綱常有如大德廢長立幼秦定以臣弑
 君天曆以弟弑兄至於弟收兄妻了悉父妾上下相習恬不爲怪其於父子君臣夫婦長
 幼之倫潛亂甚矣夫人君者斯民之宗主朝廷者天下之根本禮義者御世之大防其所
 爲如彼豈可爲訓於天下後世哉及其後嗣沈荒失君臣之道又加以宰相專權憲臺報
 怨有司毒虐於是人心離叛天下兵起使我中國之民死者肝腦塗地生者骨肉不相保
 雖因人事相致實天厭其德而棄之之時也古云胡虜無百年之連驗之今日信乎不繆
 當此之時天運循環中原氣盛億兆之中常降生聖人驅逐胡虜恢復中華立綱陳紀收
 濟斯民今一紀於茲未聞有濟世安民者往使爾等戰戰兢兢處於窮秦暮楚之地誠可
 矜憫方今河洛關陝雖有數雄忘中國祖宗之姓反就胡虜禽獸之名以爲美稱假元號
 以濟私恃有衆以要君阻兵據險互相噉吞反爲生民之巨害皆非華夏之主也予本淮

讀明則識民之
憂世救民之心
切矣是董民氣
之憤激久而
復伸華夏之禮
義久而復積
焉耳

右布衣因天下亂為衆所推率師渡江居金陵形勢之地今十有三年西抵巴蜀東連滄
海南控閩越湖湘漢沔淮徐邳皆入板圖奄及南方盡為我有民稍安食稍足兵稍精
控弦執失目視我中原之民久無所主深用疚心予恭天威命固敢自安方欲遣兵北逐
羣虜拯生民於塗炭復漢官之威儀慮民人未知反為我讎挈家北走陷溺尤深故先諭
告兵至民人勿避予號令嚴肅無秋毫之犯歸我者永安於中華背我者自斃於塞外蓋
我中國之民天必命中國之人以安之夷狄何得而治哉爾民其體之如蒙古色目雖非
華夏族類然同生天地之間有能知禮
義願為臣民者與中夏之人撫養無異

慕壽祺曰自古開創之君以東南統一西北者明太祖一人而已太祖起兵
也晚陳友諒張士誠次第削平矣乃命將北定中原馳檄諭西北諸省人民
復致書於各將領而李思齊羈我行人擴廓帖木兒置書不答此皆百戰之
餘未肯遵下也遂止潼關之師不急取秦隴先山東次河洛出其不意一舉
而克燕都兵法所謂出奇制勝也然後西征張李勢如破竹統一之功成矣
然擴廓猶力抗不屈太祖稱為奇男子洵定評哉

今事縣南一里
有李思齊城遺
址蓋當日屯兵
處也

草木子云明李
文忠亦稱李保
太廟論說文
稱爲保兒今
人呼其子曰保
保亦曰阿保有
保抱靈恤之意

戊申二十八年 是年依歷朝禮代一歲兩係例閏七月以前爲元順
帝至正二十八年八月以後爲明太祖洪武元年 秋八月元將李思

齊據慶陽 先是夏四月李思齊張良弼合兵守潼關及潼關爲明師所陷思齊奔鳳翔
尋共推思齊爲總兵諸將皆以兵會之聲勢復大振至是聞順帝北走思齊

遂由鳳翔走
慶陽據之

冬十二月元擴廓帖木兒 即庫庫 軍潰走甘肅 元左丞相河南王擴廓帖木兒因事
特穆爾 創職順帝二十八年閏七月復擴廓

官爵仍前河內王左丞相 馬直抵彰德衛輝右丞相伊蘇由東道同圖魯李思齊四
道進兵克復汴洛詔下而明兵已逼擴廓帖木兒尋自晉甯退守太原至是明大將軍徐

達下太原擴廓帖
木兒敗走甘肅

案擴廓帖木兒一作庫庫特穆爾本姓王小字保保察罕特穆爾之甥養爲子洪武元年
順帝居開平命擴廓復大都擴廓乃引兵出雁門由居庸以攻北平徐達帥師趨太原擴

廓至保安州聞之還救達夜選精騎來襲營擴廓方然蠟治軍書倉卒不知所出跳一
足乘馬從十八騎遁時張良臣守慶陽擴廓欲與之聯合恢復故疆乃走甯夏次鳴沙

甘肅省理問官祁貢哥星吉歸明 是爲西甯祁
七司之祖

案祁貢哥星吉元甘肅省理問所官也洪武元年歸附授副千戶職累功世襲守禦碶伯
赴青海鹽池收捕西番亦林真奔招撫祁者孫諸番酋二十五年亦林真奔叛寇歸德煖

欽定四庫全書
陝西通志卷之十四
職官志
陝西通志卷之十四
職官志
陝西通志卷之十四
職官志

泉星吉戰死之子鎖南嗣官以功加正千戶尋卒孫賢嗣從李英北征以功擢西甯衛世襲指揮僉事其子孫至有清一代猶世襲西甯上官康熙十三年王輔臣之叛那伯多仲多從總兵官王進寶恢復臨洮

洪蘭州鞏昌秦州等處有功

元擴廓帖木兒至鳴沙

今甯夏省新設之中甯縣即古鳴沙境

案甯夏府志鳴沙廢所在中衛縣東北一百五十里舊稱此地多沙人馬經行踐之有聲故名隋志靈武郡領鳴沙縣貞觀九年州廢縣屬靈州神龍二年為默啜所破遂移縣於廢豐安城即今縣治咸亨三年歸復因其地置安樂州移吐谷渾部落於此至德後復陷吐蕃大中三年靈武節度朱叔明復改威州仍領鳴沙縣元立鳴沙州屬甯夏路明初廢案史順帝名妥歡帖木兒明宗子在位三十五年改元三曰元統曰至元曰至正至正二十八年明師陷通州順帝北去秋八月徐達入大都監國淮王特穆爾布哈死之元遂終於漠北史臣以正統予洪武謂為大明太祖高皇帝

程學士敏政真輯宋遺民錄一書末卷辯宋滅國公之事亦既明矣復引西江月詞以證之其詞曰乾坤已定清明節後開花米田天下亂如麻直待龍蛇變馬依舊中華福地古月一陣還家當初指望喪生涯死在西江月下詞載陶九成鞞料並陶以為真武之降筆程以為劉秉忠作惜未解明其詞明仁和郎瑛為之解曰首二句乃言元世祖滅宋德祐封為瀛國公時順帝至正十五年我太祖三月起兵正當九九八十一之數是知乾坤已定九九而三月乃清明時也米田言番人也直待龍蛇變馬是太祖至正甲辰建國即位

元朝北都之亡
順帝猶君於沙
漢地新數萬

乙巳伐元都至元亡豈非龍蛇繼馬耶古月一陣還家乃言胡人皆北去矣當初指望
生涯言甯宗之后褒吉刺氏不立己子而取順帝是無生涯矣死在湘江月下順帝北走
沙漠殞於應昌粹取西江寺梁為棺之驗耳其生也有時其死也有地順帝雖亡天下而
崩後有惠宗之諡壤地尙數萬里嗣君立九年卒廟號昭宗又傳六世皆仍擁帝號至建
文朝有鬼立赤者更號可汗稱韃靼而元之號乃亡然其苗裔繼王於回部者尙夥究
無異乎晉元宋高之南渡顧明史不以北朝目之僅載之傳紀是以世亦莫得而攷焉
嘉壽祺曰是年秋閏七月明師陷通州元順帝出塞北去與晉元帝之渡江東宋高宗之
守臨安無以異也宗社雖已淪亡名號尙未盡失李思齊由鳳翔往據慶陽王保保由太
原走甯夏謀據蘭州皆欲光復故物為順帝遙作聲援功之不成此關天數非人力之所
能挽回也而順帝子孫相繼稱汗與明代相終始至前清破察哈爾林丹汗而元始滅明
史於至正二十八年秋大書
元亡得毋有種族之見耶

明

案一統肇基錄云洪武改元時上欲盡除道教有道士黃月清奏曰昨日臣到三天門下
見張一金榜大書十字於上云山川奠洪武日月照大明上以其言合己意遂定國號改
元道教因
得不廢也

太祖 西洪武二年 元惠宗 春三月大將軍徐達克奉元路 元將李思齊奔

即陝西 西安府

平勝後明太明
國之靈曰順帝
明太祖論元翰
林學士承旨危
寔居和州守余
亦榮幸矣

元順帝至正十
二年羅山李思
齊與沈邱人察
罕帖木兒同奮
起兵於中破

臨洮張思道

即張良弼奔慶陽 達既克奉元路遂帥大軍西正耿炳文輸饌五千石

案武威余闕守安慶城陷全家死及徐達克奉元元御史桑圖錫里與妻子投崖死郎中

昂克仰藥死檢討阿什克布哈白經死三原尹朱存與其妻俱投崖死武二年八月克

慶陽張良臣父子俱投井皆力窮不屈皆自於元而有守士之責

者也蔡子英王保保之幕僚耳而亦百折不回何元之多忠臣也

慕壽祺曰清高宗謂惠宗出塞北去固未嘗失帝號而子孫相繼稱汗與明代相終始至

我朝破察哈爾林丹汗而元始滅然史家於至正二十八年秋閏七月即大書元亡以其

失統系而遠避正也夫惠宗北走沙漠其帝號猶在統系固未失也若以其遠避

而橫絕之則晉元帝避至金陵唐肅宗避至靈武均不得謂為正統有是理乎

夏四月徐達克秦州 達率兵度隴清水知縣鐵木罕巴北竄既至秦州元守將呂國公道都督陳德追擒之

隴右人民歸附 聞徐達遣將來伐南境秦徽階岷西禮北境安會渭秦俱歸附

徐達遣平羌將軍馮勝取鞏昌元鞏昌守將汪庸迎降 勝駐兵鞏昌城東烽火臺庸率衆迎降

馮勝徇臨洮元將李思齊降

時張思道弟良臣守慶陽徐達會諸將議所向皆曰張思道之才不如李思齊而慶陽易於臨洮請先慶陽達曰不然慶陽城險兵精碎木易拔臨洮四控羌戎北界河湟得之其人足備戰鬪物產足佐軍儲盛以大軍思齊不西走則東下就降矣臨洮既克於旁郡何有遂遣馮勝逼臨洮思齊

賊事聞遂重用

果不戰降

案思齊在鳳翔時太祖以書遺之且言若果能密去就富以漢待寶融之禮相報思齊得書欲降其養子趙琦本狄道人給思齊奔吐番思齊信之遂奔臨洮琦竊其寶貨婦女逃匿山谷問思齊窮蹙遂降琦亦歸明思齊至京太祖深慰之授以江西行省左承不之官

徐達遣將徇蘭州元平章志敬降

達遣都督副使顧時參政戴德徇蘭州元平章張志敬率州人侯文賢等降遣指揮韓溫守之

大將軍徐達還自臨洮次開城

達還自臨洮遂下隆德越六盤山至開城萬戶入丹以魏朝降

案開城在今固原縣西南四十里宋為開遠堡元至元十年皇子安西王分治秦鞏遂立開城府仍視上都號為上路至治二年降為州治開城縣明廢州為縣成化三年縣省弘治十四年開闢固原衛十五年遷

開城遺民於固原遂改衛為州

徐達遣將襲破元豫王於西安州

達至開城遣平章俞通海進攻元豫王於西安州次海刺都右丞薛顯以精兵五千先襲豫王王馳遁達

以豫王之衆處開城以西安州餘衆徙北平

海刺都即今海原縣他本或作海都刺想係傳定之訛

案宋張叔夜喜論兵而蘭州本先零故地最為極寒惟恃河為阻每冰合則嚴飭守備卒介冑累月不得息叔夜曰是當求其要害以守之於是博攷山川講求利病上書力陳取

固原縣北
七十里

天都之策以為天都介於五路之間乃西人曠聚之區凡欲舉兵以寇諸路則必就彼點集然後議其所向以故每一聚兵則五路不得莫枕此當今之所宜先書再上樞庭行其策果得其地建為西安州其地距天都山三十六里天都一名西山在海原縣西四十五里宋太宗雍熙二年陷於西夏夏於此建城名天牟會神宗時宦者李憲率苗綬營天都山下燒夏之南牟即此元符二年以南牟會新城建為西安州

又案今甯夏省豫旺縣舊名豫望城在固原縣北二百二十里說者謂即元豫王駐兵處宋時與西夏分界處即今平虜所宏治十七年總督秦紘言固原迤北地名豫望城驢子川獅子川石峽口及甯夏之韋州惠安堡等處延袤千里可墾田土無慮數十萬頃請築屯堡議耕種

五月徐達出蕭關克平涼

達始至紅城丁酉出蕭關遂下平涼

案紅城在今固原縣北七十里秦長城外亦曰黑城子明成化初官軍討滿俊屯兵於此清於此設把總一員駐防民國初防兵撤二十五年夏其黨由陝北入甘據黑城子改為

自由縣以固原紳士李某為縣長

案蕭關廢縣在固原縣北唐神龍二年廢他樓立蕭關大中五年以縣置武州宋志蕭關若崇甯四年建築大觀二年以若練懷德軍金廢舊志以為在鎮原西北陝西舊通志以

為在華亭西北即瓦亭驛俱誤

以費聚鎮守平涼 聚從大軍取西安改西安衛指揮使進都督府僉事鎮守平涼明年封平涼侯歲祿千五百石予世券時請將在邊屯田募伍歲有常課衆頗

耽酒色無所事事又以招降蒙古無功還帝切責之

徐達遣御史大夫湯和下涇州 此五月辛丑日事也次日徐達至涇州以黃旺守之

徐達以陳壽守原州 涇州既下原州不戰自降

元將張良臣偽以慶陽降 徐達克平涼張思道懼使其弟良臣守慶陽而自奔甯夏為擴廓帖木兒所執良臣以慶陽降達遣薛顯受之

慕壽祺曰擴廓帖木兒李思齊張良弼此三人者皆元之名將久經戰陣倘併力於一隅則西北未必遽失也洪武二年李思齊降張良弼聞徐達至平涼使其弟良臣守慶陽而自奔甯夏將與擴廓同心共濟恢復之機其在是乎乃擴廓為宿怨而執良弼豈天之既訖元命耶由是慶陽失甯夏之勢亦孤

六月戊辰以鳳翔守禦指揮余思明守平涼

張良臣既降復叛薛顯駐兵靈州退之 顯從徐達抵臨洮州將攻馬鞍王西番寨大獲其畜產襲走元豫王敗擴廓於甯夏復與

達會師取平涼張良臣偽以慶陽降顯往納之良臣蒲伏道迎夜劫顯營顯突圍免良臣據城叛

案明史良臣驍勇軍中呼小平章養子七人皆善戰軍中語曰不怕金牌張惟怕七條鎗
金牌張張思道驍將也良臣自以慶陽城高險且罕有井泉可據守倚甯夏庫庫特穆爾
為救援賈宗哲哈札噶爾為羽翼姚暉
葛入為爪牙故降而復叛以圖大功

秋七月擴廓帖木兒遣將攻陷原州涇州為慶陽聲援

原州指揮使陳壽陷沒徐達遺右丞徐禮扼驛馬關

以當原州之衝葉國珍守彭原以遏之

案驛馬關在今慶陽縣西南九十里東西溝南北二城各長一百四十步又有歡喜梁為之屏障與鐵原北原接壤四通八達之區也唐德宗時朱泚敗獨與范陽親兵走驛馬關即此明弘治中置巡司於此以斷各通私鹽路後裁

薛顯至鳴沙獲擴廓之將毛祥

將軍馮勝破走韓札兒

一作哈札噶爾復原州韓札兒擴廓部下將也守原州以援張良臣至是為勝所敗

八月以溫漢臣守原州

徐達以故元歸附官溫漢臣署原州同知原州判官劉伯溫逃自甯夏來歸復以為判官與指揮劉廣鐵甲馮共守原州大將

軍已定慶陽已丑歸至原州三將軍俱來會

大將軍徐達克慶陽擒張良臣斬之

初良臣之降也捷奏至京帝戒大將軍徐達曰張思道兄弟多譎詐勿墮其計中未幾良臣果

叛達謂諸將曰上明見萬里外今日之事一如上諭然良臣叛祇取滅亡當與諸公戮力剪之乃進兵圍慶陽良臣在重圍之中猶日開門出汲馳騁城下達進營逼其四門勸東河之水使鵝池無水可汲良臣被圍久軍乏糧由是不得逞然猶日出戰不利其求援甯夏者又悉被獲將士相繼出降糧絕至煮人汁丸泥燕之守者遂開門降良臣父子俱投

井引出斬之

案慶陽城高而堅頗不易攻時金興旺守鳳翔賀宗哲攻之會百戶王輅自臨洮攻李思齊降卒東遷興旺以其衆入城共守俞通源自臨洮疾趨至涇州徐達命通源略慶陽之西顧時略其北傅友德略其東陳德略其南又令袁義等分兵蹙之張良臣時耀兵城下復恃其兄思道爲外援間使往來幾無虛日夜出兵驟薄袁義營義堅壁不爲動達引兵直逼城下良臣相繼應敵擊鼓勒兵殊死戰王師

分守要害俾外援不能入此乃天亡非戰之罪也

鵝池在今慶陽縣城內水暗通城外東河慶人飲水於河復鑿此池防水困也考池上碑云係唐人所鑿宋人當重修之池水去平地百尺許易就潭塞明成化十年參政池陽孫

仁白陝西巡撫馬文升重浚之伐石砌階使人負汲當時督其役者慶陽府知府馬傑衛指揮使張瑛也

徐達平慶陽還至原州元將賀宗哲自六盤北遁

時諸將來會於原州已復往平涼

鵝池在慶陽
池南二百三十
八步宋慶陽中
經略安撫使洪
昌言重修明洪
武時指揮孟侃
宣武復浚

徐達令顧時將兵略靜甯州

時從大軍取朔州圍慶陽張良臣耀兵城下擊敗之獲其勁將九人良臣乃不敢復出慶陽平徐達還京令時將騎

兵略靜甯州走賀宗哲西邊悉平

元將賀宗哲掠蘭州徐達遣馮勝擊之

初宗哲攻陝西鳳翔府為指揮使金興旺所敗旋聞慶陽下乃引去駐兵六盤山聞徐達會師

原州又引去尋掠蘭州勝率步騎往擊宗哲渡河遁勝乃還

九月壬辰召大將軍徐達還以馮勝駐慶陽節制諸軍

馮勝克鳳翔遂渡隴取鞏昌進逼臨洮降李思齊還

從大將軍圍慶陽擴廓遣將攻原州為慶陽聲援勝扼驛馬關敗其將遂克慶陽執張良臣陝西悉平九月帝召大將軍還勝駐慶陽節制諸軍

冬十月大將軍徐達還京王保保復為邊患

案清溪雜筆以為擴廓即王保保其先世代為王故云王保保也保保當時尊稱之薛明太祖混一之後語諸將曰當今誰為好漢眾以中山開平對帝曰是北鄙能掌王保保者耶蓋保保於至正二十八年間留守太原及太原失由晉北全甯夏塢率勁旅聲勢洶洶為故元復仇後由隴東至定西屯軍車道峴直搗蘭州及沈兒略失利北走和林貽邊

患者又十餘年

三年春李文忠

自居廣出東道

為賜宗賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

賜賜賜賜

幕壽祺曰余嘗閱明功臣錄每傳有云擴廓帖木兒與王保保連兵有云為犄角之勢又讀龍飛紀略或獨書或連書皆如二人保保作何解元史又無其傳心終疑之又覽劉基傳基有妻張請告歸時帝營中都又銳意滅擴廓基頌行言王保保未可輕已而定西失利竟走沙漠迄為邊患始知王保保即為擴廓帖木兒也元史反略而不載意其曾殺詔使跡近跋扈故削而不書歟然守正不撓得天地正氣始終不肯降明則又元之文天祥也彼讀聖賢書報頌事仇而自以為得計者視此能無愧乎

庚戌三年元惠宗春正月元擴廓帖木兒攻蘭州指揮張溫圍守不下鞏昌指揮于

光來援死之

徐達軍還擴廓帖木兒偵知率兵奄至蘭州圍城數重時于光為鷹揚衛指揮鞏昌聞擴廓圍蘭州自鞏昌來援至馬蘭灘猝與敵遇力戰而敗

被執使呼城內出降光大呼曰我不幸被執公等堅守大軍且夕至矣敵怒批其頰遂遇害城中聞光言守益固擴廓帖木兒尋引去帝以徐達為大將軍分二道出兵達自潼關

出西道繕定西取庫庫特穆爾李文忠出東道絕大漠追元帝

案明史張溫傳溫不詳何許人從太祖渡江授千戶積功至天策衛指揮僉事從大軍收中原克陝西攻下蘭州守之元將擴廓偵大將軍南還自甘肅帥步騎奄至諸將請固守以待援溫曰彼遠來未知我虛實乘擊之可挫其銳倘彼不退固守未為晚也於是整兵出戰元兵稍却已而圍城數重溫斂兵固守敵攻不能下乃引去太祖解為奇功擢大都督府僉事已又命兼陝西行都督府僉事富蘭州之受圍也元兵乘夜梯城而登千戶郭佑被酒臥他將巡城者擊退之圍既解溫將斬佑天策衛知事朱有聞爭曰當賊犯城

揮舞固守不
下太博遠討
之戰於定西一
戰而敗天之所
廢孰能與之而
能敗掩土重來
志不少挫乃其
婦毛氏者亦烈
女也太祖稱爲
奇男子有以哉

河太祖遊燕夷
腥首開華治中
山沉兒略之賊
威權俯乎郡國
功勳著於太常
得見交良太平
其初開國功臣
其身體皆戰富
有軍事知通者
均遠徐達也征
其名矣前專
安甘記
定縣北八十
里有關川焉

將軍斬佑以令衆軍法也賊既退始追僂之無及於事而有擯殺名溫謝曰非君不聞是
言遂杖佑釋之帝聞而兩善焉並賞有聞綺帛其明年以參將從傅友德伐蜀功多十一
年以副將會王弼等討西
羌明年論功封會靜侯

慕壽祺曰事固有曠世而相類者唐高祖武德元年將軍劉感鎮涇州薛仁果擒感復圍
涇州令感語城中云援兵已敗不如早降感許之至城下大呼曰逆賊饑餒危在旦夕秦
王師數十萬衆四面俱集城中勉之仁果怒埋感至膝馳騎射之至死光被害與
感同仁果平感贈公得諡子孫受爵光於數事未有也吁褒忠之典亦薄矣哉

夏四月徐達大破元擴廓帖木兒於沉兒峪

種爾遣精兵千餘人由間道劫東南壘方丞胡德濟倉卒失措軍驚擾達親擊走之械送
德濟於京師而斬其下趙指揮等數人以徇明日整兵奪溝殊死戰大破庫庫特穆爾兵
擒王公文武千八百餘人士卒入萬擴廓帖木兒僅挾妻子
數人遁渡黃河遂奔和林都督郭英追至甯夏不及而還

案明史太祖命大將軍徐達總大兵出西安講定西擴廓方圍蘭州趨赴之戰於沉兒峪
大敗盡亡其衆獨與妻子數人北走至黃河得流木以渡遂奔和林有蔡子英者永甯人

元至正中進士蔡罕開府河南辟參軍事累薦至行省參政元亡從擴廓走定西明兵克
定西擴廓軍敗子罕單騎走關中亡入南山太祖聞其名使人繪形求得之傳詣京師至

江濱亡去變姓名質春久之復被獲械送洛陽見湯和長楫不拜抑之跪不肯和怒焚火
焚其鬚不動其妻適在洛請與相見子英避不肯見至京太祖命脫械以禮遇之授以官

通蘭州北通清
入黃河舊延
志王保保兵敗
走蘭川得片木
以飛
葉子英龜龜漏
網不忘故主雖
禁大吹楚有平
助戈之志而存
之動草實表歲
之曲為心宜太
也

不授退而上書曰陛下乘時應運削平羣雄薄海內外莫不賓貢臣鼎魚漏網假意南山
覆者見獲復得脫亡七年之久重煩有司迫跡而陛下以萬乘之尊全匹夫之節不降天
誅反瘵其疾易冠裳賜酒饌授以官爵陛下之量包乎天地矣臣感恩無極非不欲自竭
犬馬但名義所存不敢輒渝初志自惟身本韋布智識淺陋過蒙主將知薦仕至七命躍
馬食肉十有五年愧無尺寸以報國士之遇及國家破亡又復失節何面目見天下士管
子曰禮義廉恥國之四維今陛下創業垂統正當挈持大經大法垂示子孫臣民奈何欲
以無禮義廉恥之俘囚而廁諸維新之朝賢士大夫之列哉臣日夜思維咎往昔之不死
至於今日分宜自裁陛下待臣以恩禮臣故不敢賣死立名亦不敢偷生苟祿若察臣之
愚全臣之志禁錮海南畢其餘命則雖死之日猶生之年昔王蠋閉戶以自縊李荊門
以自屠彼非惡榮利而樂死亡願義之所在雖湯鑊有不得避也涉焉之疆上愧古人死
有餘恨惟陛下裁察帝覽其書益重之館之儀曹忽一夜大哭不止人問其故曰無
他思舊君耳帝知其不可奪洪武九年十二月命有司送出塞令從故主於和林
又案安定縣志通西故城在縣南安西古城在縣北定西古城在通遠軍北一百二十里
金初置定西縣貞祐四年升為州元徙州治安西縣此城遂廢沉兒略在車道巔以南距
巔口其近俗名沉兒谷口又名沉魚兒畚其地有王保保大將妻與徐達戰
時指揮軍士處略口有澗水每歲長至後十餘日若水泉橫流來歲必豐收
葛壽祺曰定西一戰擴廓帖木兒敗而逃蘭州圍自解徐達發縱指示其功不亦偉哉然
巢縣人有俞某者其名予忘之矣初以親軍宿衛隨大將軍來甘親歷行陣間終羣昌衛
指揮使世襲年六十二卒著有從征日記四帙述明初事異於常聞未
刊山陰朱燮元備兵隴右得錄本今佚然則正史戰功豈可盡信也耶

由省城取道唐
汪川赴河州中
經銷南壩卸何
鎗南屯兵處
明之為斯殿
今之前後殿

附舉藹黃諫作戰定西第十古體詩其詞曰伊昔戰定西王師氣百倍吹角塞城晚揚旌
山色晦黃雲動殺氣戰鼓聲振地桓桓熊虎隊森然自天墜東西適爾遇列雲為相對羌
情鬱然懼鋒摧魂魄勢如山懸卵宵遁望空壘蘭州占金城守
將信雄偉嚴備設方略大兵猝然至重賴神武威蕩滌清邊鄙

五月鄧愈克河州 愈以征虜左副將軍從大將出定西擴廓屯車道峴愈直抵其壘立檣
逼之擴廓敗走分兵自臨洮進克河州招諭吐番諸酋長宣慰何鎗南

等皆納印請降追豫王至西黃河抵黑松林破斬其大將河
州以西采甘烏斯藏諸部悉歸附出甘肅西北數千里而還

始設科取士陝西鄉試甘肅中舉人一名 先是元順帝至正二十七年春三月太宗
下令曰上世帝王創業之際用武以安天

下守成之時講武以威天下至於經綸撫治則在文臣二者不可偏用也古者人生八歲
學禮樂射御書數之文十五學修身齊家治國平天下之道是以周官選舉之制曰六德
六行六藝文武兼用賢能並舉此三代治化所以盛隆也茲欲上稽古制設文武二科以
廣求天下之賢才其應文舉者察之言行以觀其德考之經史以觀其業試之書算以觀
其能策以經史時務以觀其政事應武舉者先之以謀略次之以武藝俱求實效不尙虛
文然此二者必三年有成有司預為勸諭民間秀士及智勇之人以時勉學俟開舉之歲
充貢京師其科目等第各出身有差至是以天下初定令各行省連舉二年自後三年
一舉鄉試以八月會試以二月是科陝西開闢甘人獲薦者一名曰喬權臨洮人知縣
案科舉之制非惟唐宋為然也雖金國亦有之命人科舉先於諸州分縣赴試詩賦者兼
論作一日經義者兼論策作三日號為鄉試悉以本縣令為試官預試之士唯雜犯者黜

勝首曰鄉元亦曰解元次年春分三路類試自河以北至女真皆就燕關西及河東就雲中河以南就汴謂之府試試詩賦論時務策經義則試五道三策一論一律義凡二人取一勝首曰府元至秋盡集諸路舉人於燕名曰會試凡六人取一勝首曰勅頭亦曰狀元宋南渡後甘肅為金所據秦州張邦憲等中金國進士其鄉試在山西大同府可謂遠矣至洪武時始定開闢於陝西

尹起莘曰易繁辭曰天地之大德曰生聖人之大寶曰位何以守位曰人何以聚人曰財而孔子又曰舉賢才然則古之聖人未始不欲得人以輔治也是故為政以人才為先立國以多士為美欲得人才而求多士必立取士之法焉我太祖於天下甫定之時所謂求遺書定官制立宗社定科舉皆當世之所不行者而太祖行之其汲汲求賢之心可見矣宜乎削平僭亂攘逐胡元而享一統之盛於億萬斯年也歟

右副將軍湯和率兵定甯夏遂北至察罕腦兒先是洪武二年夏傅友德以偏師駐

擴廓由關川走和林甯夏平

案靖遠縣志關川源出安定縣東西二河合流逕會甯入縣界北流與祖厲河會入於河擴廓沈兒略之敗跳走乘片木由關川順黃河而北以至和林

封郭興為鞏昌侯郭興移駐鞏昌邊境帖然為秦王武傅弟陝西都督府僉事是年冬封功臣興以不守紀律止封鞏昌侯

明太祖晚年性
對惡諍將多
醫法為免者
獨信公湯和
以毒終

河州屬兵劫
清同治時及光
緒甲午民國十
七年城邑圯墟
人骨山積與明
初無異

征西將軍鄧愈率兵至莽刺川遂收復貴德城

初元世祖至元間置貴德州後廢至是鄧愈開復其地

案貴德舊叶蕃地南去西甯二百二十里洪武七年委河州左衛指揮築修十城八年設守禦千戶所至十三年工竣萬歷十八年復增修之清初設守禦所千總於此莽刺川見

十三卷萬歷十九年秋九月總兵尤繼先大捷注

以甯正為河州衛指揮使

正初為章德成養子冒章姓從大軍取陝西馮勝克臨洮留正守之大軍圍慶陽正駐邠州絕敵聲援慶陽下還守臨洮

從鄧愈破定西克河州至是授河州衛指揮使上言西民轉粟餉軍其勞而茶布可易粟請以茶布給軍令自相貿易省挽運之古詔從之正初至衛城邑空虛人骨山積案欲委棄之正不可日夜撫循勞徠不數年河州遂為樂土糧書嘉勞始復甯姓兼領甯夏衛事修築漢唐舊渠引河水溉田開屯數萬頃兵食饒足

六月頒平定朔漢詔於天下封元密迪哩巴剌

舊作買的為崇禮侯先是洪武二年六月

王師克開平元順帝走朔漢是年四月殂於應昌子阿裕錫哩達喇嗣太尉完者等奉梓宮北葬李文忠聞元帝疽督兵兼程進圍應昌克之元嗣君北走獲其子密迪哩巴剌及后妃諸王官屬數百人捷奏至羣臣稱賀令中書省草詔頒布天下帝見詔旨中有侈大之詞責省臣曰元主中國百年朕與卿等父母皆賴其生養元之興亡自是氣運於朕何預而以此張之四方有識之士口雖不言心未必以為是也可更草以進

甘肅青史略正編卷十三

大軍度隴收拾河山時代

明太祖

四

蘭州俊華印書館出版

附李文忠上平沙漠表曰日月灑中天禹國仰照臨之德乾坤大一統羣生
倚覆載之恩文教誕敷而治具畢張武威維揚而妖氛頓息臣民欣戴海宇
歆勝恭惟皇帝陛下卓冠羣倫茂膺景運皇圖啓祚粵由命之自天曆數在
躬遂化家而爲國拯生民之墊溺救亂世之助勤洪鈞布而品物亨皇極建
而彝倫叙凡有血氣莫不尊親惟彼殘胡敢行肆毒竊乘間隙侵犯邊郵赫
怒皇心用加天討爰聲罪而致討乃鞠旅以陳師臣賦質庸愚託屬外戚忝
受副將之寄慚無贊襄之能拜命闕廷俾率熊羆之衆總戎行陳誓空胡馬
之羣前茅度關而興和之師卽降後驍出塞而駝山之兵旋凱進開平而乘
破竹之勢克應昌而振覆巢之威皇子后妃兩宮之貴人俱獲金璽玉册歷
代之重器全收皇風遠被於遐荒胡運竟終於此日凡茲勳業之建豈因臣

時王保保向在朔漢之地尋平而元室諸老已之心將用何物以平之

鐵城洪有說初名武忠者上書言其名犯年歲高帝曰此朕之兆耳御書有假易之其孫

下之能茲蓋伏遇皇帝陛下廣運如天宏謀蓋世明見萬里之外遂成千載之功東日窟而西月氏莫非王土南炎荒而北瀚海共惟帝臣一統太平萬年悠久

劉基曰冬寒之極必有陽春激湍之下必有深潭大亂之後必有大治理則然也元德既衰九土靡沸鴟張狼顧之豪彌滿山澤萬姓魚喁無所籲告天乃生太祖盪滌腥羶首開華治至是而朔漢平寰海鏡清方隅底定矣

是歲鎮西武靖王卜納剌

一作伯納時

以吐蕃諸部來降

先是元封駙馬章古為甯懷郡王鎮西甯管理吐蕃諸部

至是悉歸降

辛酉四年

元昭宗元年

春二月置茶馬司於秦洮河雅諸州

戶部言陝西四川茶宜十取其一以易番馬從之於是諸

產之地設茶課司定稅釵設茶馬司於秦洮河雅諸州自鞏門黎雅抵朵甘烏斯歲行茶之地五千餘里西方諸部落無不以馬售者而西北安矣

新官至部
兼都御史

是役也
神副將
與由永
帥由德
將里德
都郭德
實泰德
是是德
文及德
博友德
生精德
王等德
珍通德
其世德

一七 晉書 卷之二十三

突州隋置唐宋元明因之地屬四川與甘肅洮州河州接壤宋熙寧九年置茶場於雅州城內御門岩即雅州所屬之天全州元置天全招討司黎州後周置明為黎州安撫司

又置長河西魚道甯遠管慰司清康熙初內附雍正七年移雅州同知治此名為打箭爐縣歸道西藏明初置朵甘烏斯藏二指揮司

幕壽祺曰大都守順帝北走天既訖元命燭火餘燼豈能與日月爭明耶然王保保數擾邊元梁王巴咱爾幹爾密猶在雲南西北諸夷不無觀望自茶馬司設四川由打箭爐

直抵西藏青海諸部落至河州積石關互市皆以番馬易茶而乳萌息矣

夏六月傅友德拔階之二州

先是帝以傅友德為征虜將軍帥師伐明昇友德帥副將

西伐必悉精銳東守瞿塘北阻金牛若出不意直搗階文門戶既焚腹心必潰兵貴神速患不勇耳友德疾馳至陝西某諸軍聲言出金牛而潛引兵趣陳倉援巖谷晝夜行抵

階州敗其將丁世珍克其城蜀人斷白龍江橋友德修橋以渡破五里關遂拔文州渡白水江趨綿州時漢江水漲不得渡伐木造戰艦欲以軍聲通瞿塘乃削木為牌數千書克

階文綿日月投漢水順流下蜀守者見之皆解體太祖製平西蜀文盛稱友德功為第一廖永忠次之

案白水江出臨洮西傾山水色白濁東南流與黑水合民居水上者為白水氏方輿紀要白水江即禹貢之桓水源出西傾西和成縣略陽甯羌之界又經階州南而入文縣又

南流經城東入四川龍安府界又東流至昭化縣北而合於嘉陵江蓋與西漢水並為嘉陵江之上源

抱定不抵抗生
義以免塗炭生
降是乃仁心也
尤妙在處處切
合西蜀浮誇派
口無從犯其筆
侯爵居海
年正月或外
有君言或外
恐為小人言
存將不能始
運地則據無
命瀛國公學健

案夏原吉一統肇基錄云洪武四年傅友德湯和廖永忠定巴蜀之諸郡師

抵重慶次銅鑼峽明昇臨蜀王明玉珍之子與右丞劉仁等大懼仁勸昇奔成都昇母

彭氏泣曰事勢如此縱往成都不過延命且歹何益不如早降以免生靈於

鋒鏑於是明昇面縛銜璧與母彭氏及劉仁等奉表略曰乾坤正一統知天

命之有歸日月仰大明撫華夷之無外萬方不冒四海同歡欽惟皇帝陛下

功軼禹湯德及堯舜運乾元不息之妙寔字肅清秉神武不殺之權生民永

賴收豪傑於紛爭之日施仁義於拯溺之時景運維新皇謨丕顯故無征而

不免亦無令而不從臣昇僻處偏方情無學識既靡寶融先幾之智又乏錢

俶達事之宜見同井蛙計窮穴鼠揣罪實由於已啓費用匪其人自揆愚蒙

冒干天討願閉關之何益遂開門以來降迎拜道傍竊效子嬰之繫頸仰瞻

於吐蕃同一用

丁世珍一作丁世珍之名將也又作丁世貞

自元憲宗先州
蒙古臣王老先
後歸降惟王保
和保其幼主居
和林太廟一再

天上敢希孟昶之傾心謹將軍馬錢糧府庫及土地人民以獻

秋置屯軍於成縣

先是洪武二年秋七月大將軍徐達遣將收撫成縣至是置屯軍以與川陝毗連

案成縣為古成州地歷漢唐以迄宋元皆為州治迨至有明改州為邑屯田事與四城之外多隸階籍其時舊治依然生民猶稱繁庶厥後流寇肆氣官衙民舍焚燬殆盡至清順治時官斯土者僅築山堡為城人日星零地無起色治之舊基久為不離麥秀之區矣

蜀將丁世珍會吐蕃攻文州守將朱顯忠戰死

世珍圍文州四十日城不下攻益急文州兵以援兵不至皆曰與其陷死

地執若出城求生路顯忠厲聲曰為將守城存亡與共豈有求活將軍耶顯忠知部下有貳心遂獨率家兵二百餘人突圍力戰死於陣

案明史丁世珍者文州守將也傳友德攻文州據險力戰汪興祖費成皆死焉文州破遁去已復以兵破文州殺朱顯忠友德擊走之夏亡復集餘衆圍秦州五十日兵敗夜宿梓

權廟為其下所殺

壬子五年

元昭宗二年

春正月遣徐達李文忠馮勝等分道征庫庫特穆爾達軍敗績

文忠追至青海破元兵而還

帝以庫庫特穆爾達擾邊命達為征虜大將軍出雁門趣和林李文忠為左副將軍出居庸趣應昌勝為征西

致書皆不報乃
命徐達等分道
攻之

將軍出金蘭趣甘肅二月達先遣都督藍玉敗庫庫特穆爾於圖拉河五月庫庫特穆爾
與賀宗哲合兵拒達於嶺北達軍敗死者數萬人勝至蘭州遣副將軍傅友德前驅山敗
元兵拔甘肅下嶺齊訥路次畢達山元兵王多爾濟巴勒遁去獲其平章昌嘉等二十
七人友德復追至瓜沙州斬獲其衆文忠至鄂爾坤河馬中流失力戰破敵追至青海樅
牛養十
而還

案太行山南自河陽懷慶縣迤邐北出直至燕北無有間斷也此其與山不同他地蓋數百
里自權至脊皆陡峻不可分渡獨有八處羸通微徑名之曰經崑庸關也者即其最北
之第八隘也此障東西橫百五十里而中間通行之地才闊五
步即李左車謂井陘軍不轉輸不得成列其險可以類推也

案元末及明初太祖遣使通好於庫庫特穆爾即帖木兒庫庫特穆爾留不遣

前後七致書皆不答既出塞復遣人招之亦不應太祖益心敬之嘗曰王保

保奇男子耳竟册其妹爲太子妃劉基亦言庫庫特穆爾未可輕及徐達敗

後大兵亦稀出塞庫庫特穆爾從其主徙金山洪武八年八月卒於哈喇諾

海在和林北舊作哈拉北海之衙庭其妻毛氏亦自經死

夏四月鄧愈沐英等征西番分兵為三路並力齊入番部抵出藏覆其巢

西至龍嵩

山斬首八千級俘男女一萬名兵五千羊十三萬番人震懾乃求自附封其首僧為法王佛子隨信以神道語教帝又以其馬番遂受職

五月宋國公馮勝將兵至河西元守臣平章委的等棄城遁遂定其地

初擴廓在和林

數擾邊帝患之大發兵三道出塞命勝征西將軍副將軍陳德傅友德等出西道取甘肅至蘭州友德以驍騎前驅再敗元兵勝復敗之掃林山至甘肅元將上都驍迎降友德副都西將軍馮勝征沙漠散失刺罕於西涼至永昌敗太尉兒只巴獲馬牛羊十餘萬略甘肅射殺平章不花降太尉鎖納兒等至瓜沙州獲金銀印及雜畜二萬而還是時師出三道友德全勝馮勝乃革元舊制請設甘州涼州永昌山丹莊浪古浪等衛所立陝西行都司指揮使司以統制之附近胡羌復設沙州赤斤安定罕東曲先阿端等衛中統等一十三族以羈縻之

慕壽祺曰擴廓功過參半者也至元二十八年擴廓殺詔使不受朝命非所謂跋扈將軍耶及順帝北狩即由太原走甘肅謀與李思齊等據西北上游光復殘元皇天后土可表此心安定沈兒哈敗後乘片木順河而下至和林屢擾邊時西番據河西太祖恐與擴廓聯合常為中嗣邊患至是命馮勝傅友德陳德出隴西攻下甘肅河西平於是擴廓孤立無助事雖未成而忠義之氣可以激揚千載矣

六月戊寅馮勝克甘肅追敗元兵於瓜沙州

馮勝由瓜州沙州回肅州相度地形在肅州西七十里嘉峪山麓設關築城乃

棄瓜沙以嘉峪關為中外鉅防西域入貢必由此由此設官稽查出入關外安西敦煌視同歐脫矣

李文忠敗元兵於阿魯渾河宣甯侯曹良臣戰沒

此六月甲辰日事

秋七月丙辰湯和及元兵戰於斷頭山敗績

冬十一月置甘肅衛

本年五月馮勝率左右副將軍臨江侯陳德四川侯傅友德及諸將汝南侯梅思祖等取甘肅友德射殺元平章不花降太尉頤納

兒等上都驢以甘州迎降至是置甘州衛

十二月庚子以鄧愈為征西將軍征吐蕃

愈虹縣人初名友德太祖賜名愈洪武三年以左副將大將軍破王保保於定西自

臨洮進克河州招降吐蕃各酋長其未服者至是復征之九年吐蕃所部掠烏斯藏貢使復以愈為征虜將軍往征之

是歲設陝西行都司於莊浪

後又徙治甘州

案元甘肅等處行中書省治甘州路明初設陝西都司先治莊浪莊浪清之平番縣今改為永登者也洪武五年冬十一月置甘肅衛二十六年陝西行都指揮使自

莊浪徙治甘州領衛十二守禦千戶所
四距陝西布政使二千六百四十五里

慕壽祺曰有明一代隴右設巡撫二甯夏巡撫為防套虜而設甘肅一鎮孤懸天末關外
瓜沙西甯漢番皆歸其管轄夫各邊止知防秋而甘肅則四時皆防各邊止知防夷而甘

肅則土番海夷防不勝防兵馬奔馳
殆無虛日防範機宜顧可忽乎哉

丑六年元昭宗 春正月以朵爾只失結為西甯衛指揮僉事 朵爾只失結仕元為甘
肅行省右丞洪武四年

入貢歸附招撫叛亡暨諸蒙古帝其壽至是降勅曰朕君天下凡四方慕義之士皆待之
以禮授之以官使之官其力為爾朵爾只失結久居西土聞我聲教委身來庭朕用嘉之

今開設西甯衛特命爾為之佐爾尙思盡乃心撫其部眾謹守法度以安疆土庶副朕命
委任之意可宣武將軍僉西甯衛指揮使司旋招安定王內附十一年哈刺鬼諸土番規

貴德州失結至西海捕獲之十二年招諭千戶阿卜諸生番收捕番目亦林真奔諸有功
於西甯貴德十二年入朝十六年授宣威將軍世襲西甯衛指揮僉事自是從軍北征金

山寺灰河永平蘇州招元人金僉院擒乃爾卜花貴州指揮拔達叛失結擊破擒之攻山
寨者額曲麻盤河阿魯諸處獲全勝二十四年調甘州前衛指揮二十五年詔征遼中西

番阿立答哈思共立大功一十有三卒於官

涼州都指揮宋晟破元兵斬其渠帥也速兒 涼州屢有邊患都指揮宋晟率兵討之
追至亦集乃路斬其渠帥也速兒殺獲

甚衆又招降其
國公吳把都等

甲七年元昭宗四年春正月遣將屯田西北

時河南山東北平陝山西及直隸淮安諸府雖有屯田然尙未廣命部督僉事王簡等分往

諸省經理屯務明年又命李善長朱亮祖俞通源撫諭諸屯勸課辦事西北田野日闢屯軍二分守城七分耕作人授田五十畝給牛種教樹植復租賦官畝稅一斗民以不困而

益饒

二月吐蕃寇蘭州

八里麻民郭買的叛誘番兵入寇詔懸賞購捕蘭州衛指揮遣其兄着沙與其弟火石互往招之買的不從遂斬其首以歸

秋九月李思齊卒於臨洮

初思齊爲常遇春所敗由鳳翔奔臨洮復爲其養子趙琦所給始以窮蹙來歸至京帝深慰之授江西行省左丞不之官

久之遣往招諭擴廓帖木兒至則待以禮尋使騎士送之還至塞下辭曰主帥有命請留一物爲別思齊曰吾遠來無所齎騎士曰願得公一臂思齊知不能免遂斷與之未幾卒

案太祖聞李思齊以疾卒遣官致祭祭其文曰維洪武七年歲次甲寅九月癸亥朔五日丁卯皇帝遣御用司正禁順致祭於榮祿大夫中書平章李思齊曰卿昔爲民中原時達世

亂獨能仗義施仁挺身奮臂率義旅以保關中臣於元有年矣元綱不振社稷替卿尙能固守臣節竊我行人忠臣之義可謂盡矣然大廈將傾非一木可支朕爲衆所推忝爲

民主當是時諸漢人棄邱壘從賊爲我中國仇至今身死草野骨委沙漠惟卿退守臨洮心思父母之邦義不忘其族類是以全境保民助我成功今七年矣夫何久疾不痊以致

長往噫握兵一世又得善終亦人之所難卿能如是豈不
美哉朕聞卿沒不勝痛悼今遣官以牲醴致祭卿其饗之

嘉壽祇曰元順帝至正二十五年夏六月元太子加李思齊平章政事邠國公冬閏十月

元封擴廓帖木兒爲河南王總制關陝晉冀山東諸道兵馬二十六年春二月擴廓調張

良弼等兵不應遂遣兵西擊良弼李思齊等與良弼連兵拒之元亡以後擴廓則獨力支

柱思爲恢復之舉思齊身擁重兵不知僂力効忠與張良弼輩相犄角以爲擴廓聲援乃

竟不戰而降既降矣又奉命往招擴廓

豈復知人間羞恥事乎噫死已晚矣

甘寧青史略卷十三終

